

1368
LVCII


CORNELII

EVROPÆI

MONARCHIA SOLIPSORVM.

Ad Virum Clarissimum

LEONEM ALLATIVM.



3
VENETIIS, M. DC. XLV.

• *Superiorum permissu.*

3

2

COGNATE

OF THE

ARCHAEOLOGICAL

INSTITUTE

OF AMERICA

MEMORIAL

OF THE



TIMOTÆVS
CVRSANTIVS
LEONI ALLATIO
S.

REDIT in Urbem , Clarissime
Leo , Liber DE MONARCHIA,
SEV REGNO SOLIPSORVM , quem LVCIVS
CORNELLIVS EVROTÆVS ex
longinqua , longæuaque peregrinatione
redux , si isthic primùm cæpit , hic certè
perfecit . Profecturus verò ad visenda
Sacra Palæstinæ loca , nec vnquam , si
rectè præsagiebat rediturus , supremum
partum mihi comendavit , ut quid eo
factum vellem , ratum esset . Visum est
talis ingenij , quale tu cum eruditis æsti-
mare soles , monumentum , Reipublicæ
litterariæ , nisi etiam totius Orbis bono ,
publico iuri permittere . An alibi alia
specimina reliquerit ; clam me est ; illud
constat , nisi inter Solipsos rubiginasset , &

copia, & splendore, inter summates literarum viros, fuisse radiaturum. Sic ingenio, & diligentia factus erat. Porro verane sint, an veri umbræ, & potius agendorum cauendorum in Politicis delineamenta, quæ hic tradit, tu videris. Mihi quidem, & viris præstantibus, qui mecum sunt; argumentum præferunt, & stili gratia, & narrationibus animum oblectantibus, amænum. Hoc si in cortice, sub inuolucris opimum latere nucleum credas, quo curiosius secto, præclarissima ad mores omnium in quocunq; statu, humano ritu viuentium formandos, capere liceat documenta. Plura tu eruditorum in vrbe facile Coryphæo, sagaciter coniecero. Mihi sat fuerit, publico bono fauisse, & tibi huiusmodi dono, quo delectari soles, gratificari.



LVCII CORNELII EVROPAEI

Monarchia Solipsorum.

CAPVT PRIMVM.



EGNVM, Monarchiam, an Rempubicam dicere, debueram, hæreo: tu videris. Mihi vocabula, nec Aristoteles, nec Plutarchus, nec Tacitus, nec antiquissimus omnium Plato suggerunt. Noua facies est regiminis, nostro hemisphærio ignota; admirabilis tamen, & digna scitu, ad formandos populi, Principumq; mores, ad conseruandum boni publici statum, ad acquirendas, tuendasque opes, ad cumulum, si quæ est, humanæ foelicitatis. Mira Regni cum Sacerdotio, prudentiæ cum simulatione, magnificentiæ cum splendoris contemptu, præparcitatis cum immensa

potentia consensione . Operæ pretium foret, de Cœlo, & situ Regni, de vastitate ditionis, populorumque confinijs Lectorem initio docere: Sed hætenus nulli mortalium qui in illud penetrauit, rem factu facilem, postremus ego non tentabo, qui cum Vlyssæ Homérico multas hominum eius Regni videns Vrbes, & mores, de Cœli positione nihil certi seruare noui. Nam & cōstitutio Vniuersi apud eos longè diuersa, & polorum numerus, nominaq; varia, quib. & Luna sæpius Verticalis, quàm Sol in meridie: nulla loci, vel situs differentia, vt quod fursum, perinde & dextrum; quod sinistrum, idem inum; centrum denique nec vnum, nec fixum. Tanta diuersitatis ratio Monarchæ stat arbitrio. Quod hic decernit, id solum ratum habetur, quicquid ratio, vel sensus reluctetur, vt nisi vapulare placet, non replices, nec nisi contra mentem, & sensum affirmes, gratiam apponas, Credes experto. Tanto aliquândo imbre Ciuitas Regia immaduit, subtrahitis vbique nubium dēsitāte, Solis radijs, vt nec cymbæ, nec lucernæ sufficerent,

cerent, cumque admirabūdus omnia nocte cōfusa exclamarem; & tacere, & Solem in meridie splendescere, & nihil non siccum esse, profiteri sum iussus, tametsi velut imbrice vestibus aqua deflueret; Monarchæ ita placere monebāt Apparitores, à cuius nutu, si recederem, poena deportationis, si obsisterem, mortis foret. Satis puto causæ habeo, cur à descriptione abstineam, ne si aliquando in id Regni fortuna te appellat, si omnia mutata offendas, me tibi hoc scripto imposuisse cōqueraris. Quippe ea me duntaxat tradere noueris, quæ per annos quinq; & quadraginta, quibus Regna Solipforum incolui à prima adolescentia vel vidi, vel audiui, vel ex publicis Regni codicibus clam descripsi. Quæ sicut meo tēpore in dies mutationem subibant, ita in posterum inconstantia subdenda, hisq; lucubrationibus haud consensura, nullus dubito; vt hoc solum, perpetuum apud illos tenorem seruare affirmaris, omnia ad Monarchæ nutum, præter eiusdem forum demutari.

CAPVT II.

ANtequam narrare de Regno Solipforum incipiam, delectabit paucis exponere, qui me turbo Europæ; imò toti huic hemisphærio abreptum, in incognitas plagas eiecerit. Natus in florentissimo Europæ Regno, vbi aues aquas findunt, vix pueritiæ metas egressus, Romam à parentibus studiorum causa sum missus, Clemens VIII. Pontifex, non multò post Iubilæum decimi sexti exeuntis sæculi edixerat. Hic, post humaniores litteras, prudentia Iuris imbutus, iuuenis admodum patrocinia causarum suscepi, & Purpuratis placui. Ad magna fauor impellebat, nisi præposterum fatum incantasset. Forte quaterni studiorum sodales extra Urbis portam, quæ ad Romanum portum, vetusta fama clarum viam commonstrat, ad ripam Tyberis amæna, & vmbrosa semita inambulamus, animique causa varia ferentes, mox non nihil lassì prope ipsum, fluminis alueum,

neum, frigidioris aure captandæ gratia confidemus. Hic de rerum sub Sole vicissitudinibus, de Illustrium casibus, incertis humanorum euentis, dum nō sine sale fabulamur: inopinos à tergo sentimus adesse ignoti vultus: homines, putasses repente ex humo enatos, nisi diū ante in proximo fruteto latitantes nostras confabulationes obseruassent. Vt plenè conspecti, non ampliùs leui, & suspenso, sed pressiori gradu fidentiùs aggrediuntur, sedentes, & blandè satis adsalutant: quid verborum cedimus, rogant. Adductæ supra genua vestes, & pallia super humeros complicata, mentumque rasum, & nigra omnia funeratores notabant: mox tamen demissa ad talos toga, palliumque incomptè explicatum Philosophos ostēdebat, eius generis, quo tum Roma abundabat. Equidem animi pendens. magos, ariolosque mecum fingebam. Ipsi tamen percepto nostri sermonis argumento, forum nacti, altiùs oriuntur. Quærent de patria, de genere, de censu: vbi intellexerunt Romanos. partim, partim peregrinos:

nobiles omnes, ac opulentos esse;
Tum de ætate parentum, officio, de
numero fratrum, sororum, consan-
guineorum, agnatorum. Responsum
ad singula, denique genus studiorum
percunctati, ad nomen Iuris pruden-
tiæ labra comprimere, nescio, quod
torum oculis, ac fronte præferre. Et
senior ex illis, suspirabundus, ò mise-
ros, inquit, adolescentes, quibus la-
queis compediti trahuntur ad Orcum:
Ecquid vobis Iurisprudentia, quia di-
uites, ac nobiles multis benefacere
potestis, nemini damno esse, vt lucri
cupiditate legulei solent? Quin potius
legibus Solipsorum, manus nobiscum
datis, & potentissimi Monarchæ au-
lam sequimini, Regnum incompara-
bile visuri, possessuri. Hic ego suspi-
catus eius farine homines, qui allego-
rijs inescantes, ad claustra, & cucul-
lum tractos vellent: Christiani, aio,
omnes sumus, Euangelio credimus,
Solipsos nō nouimus, nec nisi Christi
Regis aulam quærimus, & diuersus
quamuis semitis Christum sequimur,
sua cuique vocatio, & ductus spiritus,
nisi vos aliter sentitis. Nos Deo, Pa-
triæ,

tria, & nobis nati, vitam mortalibus communem ducturi sumus, donec in libertatem filiorum Dei plenè adsciscamur, atque interim bonis ex alto datis iucundè fruimur. At senior (Apogonites dicebatur) odoratus candidi animi errorem, fore vsus momento sumpta Melanorum recentioris instituti persona, compositoque cum suspirijs ad lachrymas vultu. O fili, inquit, non hæc vera vocatio, sed occulti hostis est dolosa impulsio, caue præcipites, ducens in bonis dies tuos. Christum sequi, mundum contemnere est, abnegare seipsum, & tollere Crucem suam, relictis patre, & matre, omni sanguinis affectu, rebus omnibus, etiam spe habèndi. Hæc est vera vocatio, quam nos à Deo missi, vobis annunciamus. An putatis absque singulari Numinis prouidentia factum, huc accessisse? cauete Spiritui Sancto tempore acceptabili restiteritis, non aliàs exaudiendi, poenas in Orco æternum daturi. Hæc iste fictus animum, & pleraque ex Sacris Scripturis, qualia Christus Phariseis exprobrat, nonnulla etiam ex

sanctis Patribus, illud maximè Hieronymi : Per calcatum perge patrem; solum pietatis genus est, hac in re esse crudelem. Iam suspensi animis hærebant socij mutuò se intuiti; quos ego velut fascinatos cōspicatus, ad senem concita mascula bile; desine, inquam, Barbitrunce Philosophe, huiusmodi incantamentis adolescentes irretire, sexcentis ego te Brocardicis obruam, si scripturam torquere pergas, ac ut me fors iuuet, ex subuulturio venatore faciam te momento piscatorem Tyberinum. Sensit Apogonites, & toruo supercilio, pressisque labris nescio quid obscuri demurmurans, arrepto, quod focius ferebat, vidulo, puluerem improbum illico expedit, omnesq; nos, ac me potissimum inspergit. Nec mora, soporifera vi ad ima tempora penetrante, in vertiginem actos, arctior, quàm sanos solebat somnus complexus est; Obiectæ incunctanter, non earum rerum species, de quibus, ut de Homero scribit Ennius vigilantes sæpè cogitare, & loqui assueuimus; verùm quidquid vitæ in posterum agenda series contineret,

neret, confusæ imagines exhibebant. Nimius sim recensendo, quæ ego ipse vidi, nam sociorum alia scotomata, sed ea ipsa in historiam coniicienda sunt, ne prænarrata non sapiant, quando quæ de Regno Solipforū dicturi sumus per simillima sūt somnijs, vera tamen. Vno hic verbo delectat dicere; dum soporati per frigentes calentesque aereas plagas, naui, curru, pegaso interdum vehimur rapimur, totiesque alijs, atque alijs comitibus stipamur (nam bini illi, qui ad Tyberim Romæ incantarant, paulò post visi in turmam se se explicare, humana forma deposita, euauerunt) tandem in Regia Solipforum, euigilantes sistimur. Quod iter mihi, cum vnius noctis spatium mentiretur, triennij curriculo postea à nauigantibus definitum est.

Qui successus in Regia Solipforum.

C A P V T III.

Regnabat Auidus Cluius dictus infractus; manebatque Pricantibus

tiburæ Regia consueta, vnde Monarchæ Solipsorum, nisi animi gratia, in suburbana, nusquam longiùs recedunt. In Vrbe nouem numerantur palatia Monarcharum, quibus totidem Satrapæ Præfecti hebdomadatim Monarchæ Sacramentum dicunt. Sedes Monarchæ in medio sita, cū Vaticano certat, reliqua paulò minus; substructiones sunt antiqui operi Europæi; nam Solipsi artis ædificatoriæ rudes sunt, non naturæ indocilitate, sed assuetudine, siue quia parata semper occupant, siue quia architectonicam, Monarchæ, & Satrapæ ignari, quibus lubet præscribunt. Hinc repente qui modò sutor erat, Architectus est, & perinde cæmentum, coriumq; habet. In suburbijs totidem villæ deliciarum, ijsdem Monarchis inseruiunt; paulò longiùs absunt prædia bina, Mucus alterum, & Tritubium, ad humani generis voluptates facta, qua se grauiorib. anni partibus curis leuandi recipiunt, nectare, & ambrosia pasti. Horum comparatione Tusculanæ Romanorum, mapalla sunt, & casæ pastoritiæ. Pergo. Huc iam

iam fama præuolarat (ita nihil solertius Emissarijs Solipforum) fuisse interceptos in Europa, atq; adeo in ipsa Vrbe Romana, quaternos adolescentes, ingentis operæ pretio; eosq; prope horam adfuturos. Ea de causâ plurimi extra Regiam Monarchæ iussu effusi, excepere allabentes læto vultu, humana omnes specie, sed versatili persona. Deducimur ad Monarcham, vndique septi non custodia, sed turbæ obiectu, vt tum nihil Urbis, sed nigras tantùm excubias cerneremus. Lux sabbatica vergebat ad occasum. Cum primùm in conspectu venimus, proni ad pedes accidentes, vt iussi ab Apparitoribus, adoramus. Ille ex eburnea sede annuente, & arridenti similis, bono animo esse iubet, singulos nomine, & patria compellans, & plura, quæ relatu Emissariorum iam notata in aduersarijs habebat, repetens, per interpretem significat, adeo exacta notitia, vt singulorum genesi, & educationi interfuisse videretur. Hærebamus attoniti nos, & paulatim hebescente sensu, hominem exuebamus: nec, de itineris successu plura vestigā-
ti,

ti, verbum reddidimus. Cùm interea circumstātes Aulici, exquisita oratione diuinam Monarchæ sapientiam, coram laudare, vt qui ex fronte, cor-
dium indolem, errore procul noscere fit solitus, nobis stupentibus, ac planè stupidis. Tum ille præfecto Ephæbiorum traditos commendat, vt linguam, leges, & mores doceat, iubet, menstruatim de singulorū profectu referat, vetito cum ciuibus, & accentis colloquio, donec patria instituta edocti, nouo Sacramento pares essemus, ac interim diligenter curet, ne Europhæ desiderio, procul etiā recordatione teneamur. Ita abducti: & non paucis diebus opinè habiti, genioq; indulgentes, tandem nullo ritu vestibus Europæis exuti, gau sapina penu-
la amicimur. Nunquam ego mihi turpior visus, nec hominem nisi cum simia referre. Ridere tamen capitale erat. Sexennium tenuit discendo, ac dediscendo, nisi quæ ad rem Solipsorū facerent: quo talento, ego qui Iuriconsultus Europæus agnitus feram, postea rationibus Regijs admoueor, mōx & Præsidium Prouinciarū affessor,

for, nonnunquam causarum Iudex constitutus, identidem odia multorum, tandem & Monarchæ indignationem incurri, quod rumor esset, ad mores Europeorum omnia me exigere, leges Regni corrigere, plus iuri nature, quàm Monarchæ auctoritati tribuere, in plerisq; dictamina contraria sectari, & serere: verbo, plus omnibus Regni Satrapis, & sapientibus sapere velle. Quæ omnia verè, an calumniosè obiecta, fortunam retardarunt, interdum penè affligerunt, vt mirum sit qua fortitudine animi, quinq; & quadraginta annos, in genere, gentibus omnibus dissona, cum salute fuerim eluctatus.

Antiquitas Monarchiæ Solipsorum.

C A P V T IV.

SI gentis vetustatem legibus, & Principe solutæ spectes, fabulosa planè sunt, quæ narrant. Nempe regnum suum, antequam Intelligentia rerum creatrix mundum operaretur, in spatijs imaginarijs, velut in embryo
ne

ne latitasse, primùmq; factitiorum in
idea opificis apparuisse. Qui, ne so-
lus foret Vniuersi faber, locios, &
adiutores sibi destinarat eos, per quos
postmodum Solipforum gens propa-
garetur, ac demum Monarchia in-
stauraretur. Hæc adeo constans apud
eos obtinet opinio, vt si contra sen-
tias, aut nō continuò applaudas, pro-
ditioni in simuleris. Quærenti mihi in-
terdum de successionē gentis, vsq; ad
Brotacanum primum legislatorem,
varias generationes adstruxerunt, in-
uolutis adeò hieroglyphis implexas,
vt dementire, & dementare videren-
tur. Postquam tamen in Archiuijs eo-
rum offendi Pentateuchum, lingua
gentis planè in commenta depraua-
tum, longa animaduersione depræ-
hendi, similitudine quadam adlude-
re ad ea, quæ in genuina sacra scriptu-
ra longè alio traduntur sensu. Est au-
tē huiusmodi successio. Decreto per
aquas humani generis interitu, cum
viuentium speciem seruandam Noa-
chi nauis condidisset, exclusum forte
aquilæ ouum, in sentinā decidit: hoc,
coruus euolare iussus, ne fameſceret,
roſtro

nostro sublatum extulit, sed natantibus in vnda cadaueribus illectus, demisit. Seruatum in aquis ouum, vbi hæ siccatae sunt, solis radijs attractū, in arcu Iridis hesit; mox autem calore in vitam coactum, edidisse aiunt fortes illos viros, Turris Babylonicae, & cōfusionis auctores; qui ob audax facinus, peregrinari à Numine iussi, cū Sodomam venissent, liberali hospitio Loth excepti, custodiendæ eius familiæ curam susceperunt: deinde verò imperato exitu in Segor, stipante: latera vxoris Loth, quia non cauerūt, ne ista curiosos oculos ad incēdia Sodomorū reflecteret, in eandem salis statuam abierunt. Sic seruati aliquos sæculis sunt, donec auulsa pars statuæ a Magis Pharaonis, argumēto rerum mirabilium, in Regiam illata est, atq; à Pharaone supra pretium habita. In ea parte latebant, quos dixi Solipforum maiores: Et hinc ea virtus incantamentorum; quibus Pharaon delusus est, hodieq; Solipsi pollent. Quid plura? elapso Duce Moyse, populo Hebræo, cum Pharaon furore percitus insequeretur, sumpta secum ea salis cōcreti

creti portione, quo fugientes magica violentia sisteret; contra spem, æstuosi maris vorticibus haustus, id quoque frustum perdidit, sed eò mox aquis soluto, continuò apparuere, qui latebant Heroes, iidemq; egregiè saliti, & per omnia maria natantes, quocunq; appellebant, salem sapientiæ circumtulerunt. Ita paulatim in generationes, & vsq; ad hæc tempora propagati, Monarchiã, quam describimus, fundauerunt. Ex hac traditione susceptum, vt Monarchiæ insignia solis radij sint, & arcus Iridis: gloriatur quippe Solipsi, se mundum instar solis illuminasse, mortalibus vniuersis in signũ pacis, & foederis sempiterni cum celestibus, insplenduisse; deniq; humanum genus veræ sapientiæ sale condidisse. Quare si præsentem Regni statum, & assurgētis Monarchiæ magnitudinem consideres, non admodum antiqua, ac saltem prisca regendi forma non est. Ex Annalibus descriptum habeo tertium seculum haud excedere, à quo exsplendere tanta granditate coepit, latis à Brotacano legibus, quem, & legislatorem postremum; &
Re-

Regni sic constituti primum Monarcham agnoscūt, veneranturque; rarò vt Brotacanū, nisi cernui & reuerentes appellent. Barfabbantinous scriptor celebris, hunc suę gentis Turbolanorum, ad Solipsos missum à Rege Chornaminorum tradit, quo ipsos legibus informatos titulo beneficij sibi obnoxios redderet: contra Saltalculdus Pogonias nobilis historicus, Hyāthesiorum nationi ascribit, & à Principe ditionis eadem de causa emanatum. Pernegant vtrumq; Solipsi, & tātā gloriam nolentes esse insititiam, è suo sinu prognatum, ac prope modum autogenithentam immensę generationis parentem affirmant. Ita ab ovo ad ponum cōtentio deducta adhuc pendet.

Nomen, Religio, & Sacra Solipsorum.

C A P V T V.

NOmen, antiqua Magogorum lingua, Deorum omnium providentiam sonat: id sibi summę glorię vertunt Solipsi, non vt cæteris gentibus

tibus vnum, verum omnes vniuersim Deos sibi adesse, & Monarchā reuereri. Nonnulli ex Europæis adulati, ita reddiderunt, quasi soli ipsi, tanto Monarchæ subditi, etiam apud Europæos, mortalium haberentur beatissimi. Id ita Monarchæ arrisit, vt singulos singulis Satrapijs donaret, excelsæ gloriæ ducens, eo loco apud eos esse, quos præ cæteris sibi subdi in votis haberet. Horum exemplo officij monitus, addidi, Solipfos Europæis singulos soles esse, tot mundis illuminandis idoneos: Monarcham tamen super omnes, mille mundis regendis, illustrandis parem esse, idq; totum, vnius vocabuli Solipforum mysterio contineri. Nimum dixi, nunquam aliàs magis mentitus, quia captare, nunquam doctus. Et placuissēm præ omnibus, nisi propter veriora Monarchæ fauor abdixisset. Ne tamen frustra titilassēm, torquem aureum medijs pretij tuli. Hæc de nomine. Religio à pagana distat non superstitione, sed varietate. Omnium gentium mores, & ritus complexa, omnes nihilominus auersata; singularis quædam

dam nulliq; communis mortaliū generi secta est. Quæ credit, non quia à Numine quopiam, verum quia à Monarcha iubetur, mordicus tenet: Monarchæ dictum illis ratio credendi. Hic summus sacrorum Antistes, à quo ꝑuocare, vel ad Numina, nefas. Nulla gens nouitatum auidior, vnde & opiniosissima, & semel auditi tenax nec pauca apud Romanos damnatae sententiæ, illis primæ veritates sunt. Resurrectionē cum Pharisæis admittunt, sed eorum, qui Monarchæ aut subditi sunt, aut amici, aut demum, priuilegio muniti migrant, quibus solis aditum ad beatorum vitam affirmāt, exclusis qui vel re, vel voto Monarchæ fauorem non implorant. In quo cum Herodianis ex parte conueniūt, & quatenus arbitrio Monarchæ omnia subiiciunt, cum Sadducæis. Quod ad sacra attinet, Egiasas habēt (sic vocant fana, templa, basilicas) & structura magnificas, & cultu pro more splendidas, arasq; in ijs auro, gemmis, & lapidibus pretiosis luxuriātes, nullo argenti pretio. Existimant in his suorum esse Deorum delitias, ali-

ciendis etiam aliarum gentium Dijs factas, quos contempta apud suos paupertate huc migrare credunt. Quot diebus victimas cedunt, in solemnitatibus adhibito vocum, & instrumentorum concentu, sua sacra peragunt. In ijs tibiæ vtriculares, & crasmata Bethica primas ferunt, mirumq; in modum Solipfos delectant. Ter fere in anno Tutelarium memoriæ Monarcha ipse (alioqui opertaneus) publicè litat ad aram magnifico apparatu, tiara quadrifida, ad significandos quatuor Orbis cardines insignis: latera vtrinq; stipant lecti ad id munus Satrapæ, stolis amicti dibaphis: reliqui ministri magno numero linteati, laici omnes suo quisq; munere funguntur, hoc ipso ad horam sacri, quod à Monarcha ad præsentem usum destinantur, cætero quin nullo ceremoniarum munerisq; habitu, ut apud Europæos Diaconi, & Subdiaconi distincti, sed perinde omnes è populo, & plebe Monarchæ nutu censentur idonei, dum togati, & syndone semitecti, interdum, & synthesiati. Est tamen qui Exorcistâ referat lacertosus canum verbe-

verbero, hic, torto in flagellum can-
nabo, vbi bestiam conspiciatur, nun-
quam fallente dextera, sic totis viri-
bus atrocem vibrat ictum, vt inter-
eiulatus, ad retrimenta cogat, idque
illi præmium redit. Vespertina sacri-
ficia autothyta sunt, procul sacerdo-
te, & Leuita; Laicus duntaxat syn-
thesiatus, vbi cereos ad aram nullo
ordine accendit, continuò latet, ac
interim ex editiore pegmate, tibiali-
bus, calamis, modulisq; vocum assa-
rum, organicarumq; concinitur, au-
ditoribus deorsum in coronas distri-
butis, & murmure rauco plaudenti-
bus: Ita sacrificium absque sacrorum
ministro, virtute arcana consumatur.

Gymnasia, & studia Solipsorum.

C A P V T VI.

HAbent gymnasia pro ratione,
Vrbium splendidi operis. In ijs
magno discipulorum concursu docēt
artes, & scientias ex instituto gentis.
Principijs tradendis plures annos te-
nunt, tracta in dispendium iuuentute.

B

Quæ

Quæ tum maximè cēsetur profecisse ,
cū theatricis exercita ludis , specta-
torum oculos nouit mancipare , spe-
cie, & ingenio iuxta certantibus. Huic
fascino , cæteris neglectis , omne stu-
dium impenditur : Leguntur idcirco
adolescentes comptuli , venusta cor-
poris agilitate quaqua versum facti ,
siue ad modos choreis plaudendum sit ,
siue graphicè ad pyrrichen saltandum ;
quorum vel si lingua taceat , forma
perquam eleganter in utroq; foro pe-
roret . Ita capiunt plerosque , capiun-
turq; vicissim , à vulturij altius eru-
diendi . Et licet cati euadant plagas ,
ingenijs ad theatra assuetis , doctrina
est gesticulatio , cum pronitate , an
procacitate fandi agendi , coniuncta :
Ut nobilissimorum liberi , qui nuper
vocabulo Gymnasij (Principelli) au-
diebant , gladiatores , aut circumfo-
ronæi apud suos appareant . Eà inte-
rim vtilitate relicta ijs , quorum nec
vultibus Venus , nec censibus Plutus
inest , ut nec Ludis personatis , nec lit-
terarijs adhibiti , in truiuo pensum eru-
ditionis accurrent , & Reipublice pro-
ficient . Pergunt deinde ad Philoso-
phica ,

phica, demum ad sua Theologica pari euentu. Nihil memoriter, omnia ex cœra enuntiât, extra scamnum pauci admodum sapiunt. Iuris studium apud eos nullum, quando iudicia non legibus, & ratione, sed solius Monarchæ auctoritate constant. Agitant verò quæstiones de Regimine (*Monachales* vocant) seorsim, & coram delectis auditoribus. In his præcipua contentio, *de modo conquirendarum, seruandarumque ditionum, de arte, utilitate, & necessitate simulandi, de amphibologijs, æquivocationibus, restrictione mentis omnique specie entymematum ritè adstruenda, pro loco, re, & tempore.* Quo in genere tam excellunt, nullis vt difficultatibus expediendis non occurrant, æquatis ad omnium palatum quibusuis contrarijs sententijs, supra omnes Iuris Europæorum apices. Medicinæ professio illis publicè nulla, priuatim superflua, multisque vsus, & studium præcipuum in secretis præseruatiuis, quæ aut ipsi domi parant, aut peregrina arte facta ex vltimis terrarum Orbis finibus mira industria aduehunt. Hinc tot inter eos Macrobij,

quibus tamen semel decumbere plerumque fatale est, eoque cura quam maxima, ut se seruent. Nec mirum si qua ætate nos Europæi deficiamus, ipsi emergant ad tractanda Reip. munera per multos annos velut prætextati, & sine togis. In philosophicis, & Theologicis ampla sentiendi libertas est, & insignis habetur, qui in docendo opiniosus, inueniendoque excellens, nullo respectu veri, dum noui aliquid aut nondum vulgatum afferat. Hinc quotannis receptæ sententiæ proscribuntur, nouique termini, nouas pariunt artis, & scientiarum præceptiones, nec à nuperis Magistris, recentissimi intelliguntur. Iam inter publica doctrinæ specimina, non tam methodicæ disputationes, quam iurgia audiuntur citra formam, isque vincit, qui vocalior est; & totius corporis iactatione turgidior effertur, circumductis per coronas oculis ad plausum captandum, sibila plerumque & risus referens, idque ab Europæis in ignorantia fastum nauseantibus. Aristotelis apud eos non alia notitia, nisi quam Europæi intulerunt, nulla tamen auctori-

toritas, vt neque Scholaſticorum in Theologicis. Habent quosdam ſuos ſcribas, magni vt aiunt nominis, ij tamen cum ijs non omnibus horis ſapiunt. In his Phancuſius, Agazuſius, Hellinaſius, Homataſius, Dicofenius, Banirconicus, Pentafiſphorus, & alij quàm plures, quorum catalogum Annales Regni recenſent. Philoſophica apud eos fere huiusmodi ſunt. *An Scarabeus paradigmaticè ſtercora voluat in orbem, An ſi Mus in mare mingat timendum naufragium. An puncta mathematica ſint receptacula ſpirituum. An hiatus ventris, ſit ſpiraculum animæ. An canum latratus lunam reddat maculoſam; & plura id genus, quæ pari contentione dictantur, & excipiuntur. Theologica ſunt. Vtrum in ſpatijs imaginarijs poſſit inſtitui nauigatio. Vtrum intelligentia Burach dicta habeat virtutem digerendi ferrum. Vtrum animæ Deorum ſint coloratæ: An Dæmonum excrementa ſint alexiteria hominibus in octauo gradu. An tympana corio aſini inteſta deleſcent intelligentias. Sexcenta huiusmodi, quæ adeo mordicus, & tumidè iſti profitentur, vt negligentes,*

tes, nedum contemptores, Religioni
ferant obnoxios. Quæ nos Europæi
interdum de Nostratum Theologia
referebamus, illis inter phrenetico-
rum deliria erant, à Monarchis toto
regno proscripta. Et tenebant me-
moria suorum annalium, venisse huc
quosdam aliquando Professores Eu-
ropæos, qui se Theologiam nouam
docturos recepissent; His, cum per-
missu Monarchæ in Regio Gymnasio
ingenium periclitarentur, & de liber-
tate humani arbitrij, cuiusvis Monar-
chæ potestati exempta liberiùs dixif-
sent, iussu magistratus eiectiones esse in
Insulam Imaginariorum, ne populos
ea doctrina, ad libertatem, seruitu-
te excussa, prouocarent. Quæ nota,
omnes, qui tunc aderant, Europæos,
in magnam gentis inuidiam adduxit:
quoad alij recens appulsi, palam per-
hibuerunt, Doctores illos, nulla inter
Gymnasticos auctoritate palabundos
vagari, solitosque per Europam qua-
licumque docendi talento stipem
adhamare, nusquam constanti disci-
plina; nec semel vilibus exactos, quod
Academijs occupatis, statuta, for-
mam-

namque docendi maiorum minime
seruassent, ex otica omnia confectati,
eoque maximè exosi, quòd in legum
fraudem precarijs quibusdam priui-
legijs Doctores insigniuissent, ipsi nec
lauro, nec cornu baccati; verbo, Do-
ctores imaginarij. Hæc ab aduenis
Europæis palam narrata, existimatio-
ni reliquorum consuluerunt. Porro
Scribarum suorum aphorismis adeo
tenaciter inhærent, vt Numina po-
tius descitisse: quàm suos errasse,
affirmare malint. Ex suis pura puta
omnia, ex alijs secutina hauriri pas-
sim iactant, nec quicquam pensius est,
quàm despretis exterorum omnium
oraculis, Delphica sua, præ omni Ly-
cæo laudare: vt iam Sceptici isti Pyr-
rhones & Herilli, adeoq; Spiritici, &
hesterni dictatores, de omnibus at-
deant palam strepere, & scribillare:
quin etiam medicamentaria omnia
tam pancrasticè tractant, quàm nec
circulator illè Apuleij, qui spatham
præacutam muctone infesto visus est
deuorasse; aut quem Paulus Iuricons-
ultus serpentes circumferentem ius-
sit excedere. Adeste Vulnerarij, Vn-

guentarij, Mangones, Cerussarij: hic neque Rhodios cōfectores desideretis, nec qui Cypriæ tabi obnoxij estis Clinicos, & Seplasarios: sed neque aliorum vos ablegauerim, qui ad rubricam, aut album aspiratis; accedite & formularij, Solipforum Pandectas scrutamini. Quid si & Plautinus Chorus attrahatur? Omnia certè hic (iuxta prouerbum græcum) de omnib⁹: nec mica Aesopo residua. Quod vltius pertinet ad Scribas Solipforum, in eo superant Hierosolymitanos, quòd nō suas, quæ confusæ sunt, & inexplicabiles, sed aliarum gētium leges præsumunt interpretari, inducere, pro arbitratu corrigere, tametsi nec constituti nec rogati, imò magis suspecti, quàm vt ad hanc rem idonei; Exemplum inter alios offertur. Resultantij, vbique originarij, qui leges Maralganorum, quasi non suo iure, sed alieno beneficio viuētium notans, ita Principem ferocis populi irritauit, vt Monarchæ Vibosnato, nisi hominē aut dedidisset, aut ipse è medio tulisset, bellum indixerit, & Solipfos vbiq. funestare decreuerit. Ex-

tinuit

timuit illico Vibosnatus, & quæsitum Resultantium, cùm ad nutum Principis stetisset, is hominis aspectu miserando mitigatus, cùm somniasse illum potius, quam vigilasse dicendo coniecisset, ut quem dictorum immemorem timor an fecisset infelicitas, alio pacto transegit; iurato nimirum Vibosnato, se suosque Soliplos in posterum legibus latis, ferendisq. Muralganorum, nullo religionis discrimine subscripturos: Resultantij autem dicta, & si quæ aliorum sui generis essent, carbone signaturos. Ita placatus Muralganorum Princeps, bello quidem abstinuit, sed fonticum Resultantij argumentum in medio foro flammari iussit; ridentibus interim Muralganis, tam facilem se habuisse Vibosnatum, qui tali fide bellum redemisset; alijs verò laudantibus prudentiam viri pro omni foro, suam, suorumque conscientiam versare gnari. Quo exemplo adducti reliqui Principes finitimi, Solipforum apophtegmata sæpius deinceps prostare voluerunt.

CAPUT VII.

Nihil hac gente curiosius aut natura, aut assuetudine. Student singuli nouis, plusquàm olim Athenienses, quæ deinde in symbolum collata ad Monarcham referunt, præscribuntue suis consequijs, & coniecturis inspergentes; idcirco persæpe, & perfoedè aberrantes, vt nec somniare fractius, nec fingere magis absônè queant. Hoc certum nihil ab illis visum, auditumue, sine addito renarrari, quidquid inde præiudicij oboriatur. Periti rumorum collectores, omne forum suum faciunt. Progrediuntur ex aula; non nisi pluribus comitati. Ex his vnus semper latero, non Achates potiùs, quàm observator; hoc sibi officij mutuò præstant, rarò fida societate; nisi conspirent. In incessu minimus decor, concitatio immoderata, ferocula circumspectio, iactata brachia, subducta humeris pendens toga, interdum tota ad tergum manibus ceu reuinctis astricta; non

non semel si æstus vrgeat detecto capiti, aut galerus agitated auram ministrat, aut strophium manu ventilatum, nunquam interea per omnem circuitiōnem feriente vocaliori lingua. Salutationes raræ, nisi quos sibi vtilēs norunt, his profunda inclinatione arrident, cæteris (etsi dignis) neglectis, grauitatis, vt aiunt, causa. Hæc si in Regia, nihil minùs per vniuersam Monarchiam, legē constituta, vt saltem semel in anno visa; audita coniecta perscribant, vnde Monarcha futura designare queat certius, quam ex astrorum positu, Cœlique directione. In his perscribendis nūquam se sua laude fraudant Satrapæ, Rectores Prouinciarum, vt in Annalibus gentis vulgentur nomina, sub quibus ea gesta ferunt. Illud admirandum, neminem prorsus Solipsorum leges Monarchiæ vniuersim calere, sed confusè de ijs loqui, & sentire. Causa potissima, præceptionum multitudo, inconstantia, & studij abstinentia. Iuuenibus quippe legendæ non traduntur; seniores verò iam oculis, & animo lippientes, vt

inde sibi, alijsque proficiant, idonei amplius haud censentur: hinc confusa omnia, capiendo iuxta, ac agendo. Sed nec iuuat legisse, aut ex sensu percepisse, quando in dies mutantur ad vnius nutum, nec vt sonant ad litteram, sed vt sapiunt ad eiusdem palatum explicantur. Shediaasmata quædam, summam legum complexa initiandis proponuntur; & deinceps per menses, hebdomadasq. recoluntur; verum hæc ipsa anima sua carent, & solo spiritu Regentis viuunt, ex cuius sensu, quod hodie patina, cras cacabus; quod fritilla, fluta audit; si improbes, exilium instat, perpetua hac inclamatione, *aut pareto, aut exesto*, & obediendum vsq. ad bestialem (vt vocant) virtutem; alioqui nec Solipsum, nec homo. Hac lege stetisse ab initio Monarchiam, sed concisa Monarcharum vita, staturamq. in posterum sapientiores putant, sed conciso munere, variaque successione; quando vni perpetuò, pari tenore subesse vix humanum est, vt neque facile, diuturnum Principem non inolescere. Omnes iurant in præcepta, sed plerique

riq. parent illibēter, neque tamen detrectare audent nec mature statum, carentes calculo decretorio: scilicet Numen aliquod incognitum auent, quod res conuertat, & sacramento poenitēdo exoluat, aliàs vel si Cælum ruat, actum est. Monarcham suum tā verentur, quàm numquam Europæi Romanum Pontificem, pene ad aras & thura. Nomen si audiant, pedibus strepunt, hæc illis prima reuerentia: si hominem videant, fronte humum feriunt: si iubentem excipiant, pauidi currunt, mutnòque se proculcant, adeo tumultuarij in parendo, multaque manus citra bonum factum. Summa omnium cura, vt is, vel solus bene valeat, cæteris animam agere indultum. Edit inuisus, secretis seruitijs; nonnunquam cum Satrapis, sed hi extra conopæum, quod varijs coronamentis intextum luxuriat; nec pauimentum vacat in scriptis Numinis insignibus, non extrà calcantium metam. Singulis horis antelucanis potionem sumit Numidicam impensè decoctam; capiunt & Satraphæ probi imitatores: sed & plebei, quibus copia

pia est: ea his omnibus cautela, ne
apepsia laborent. Qui in aula Regijs
cibis vescuntur, mille fere ministri, si-
ne ordine, plebeij cum nobilibus mix-
ti: in solemnibus conuiuijs Satrapæ
priores habent. Inter epulum vnilo-
no monochordio, voce assa audiun-
tur quædam ex vetustis annalibus ad
plausum sorbentium. Accumbētium
elegantia sunt crus cruri superpone-
re, expansis super mensam cubitis
metari, pleno cratere panem mace-
rare, appositisq. ferculis altera manu
in catino, altera in cratere natare, &
hinc frustum panis, illinc bolū carnis
extractum, vnà vtrique buccæ tumēti
ingerere: ac vt non præmansa citiùs
in ventrem descendant, poculum me-
ro plenum, aut scutellam potagio re-
dundantem confestim affundere, tam
dextrè vt refluat per mentum, di-
luatque barbam. Iam edentibus velo-
citas compendium facit, vorare non
manducare dixeris, ac ne præuertan-
tur integros bolos deglutiunt, raro in-
strumentorum vsu ad diuidendum,
sed vtraque manu rapta ex paropside
portione, si præsertim ossa adhæ-
reant,

reant, hianti ori admouent citiùsque
dentibus depascuntur, quàm soliti sint
vel molossi, vel oribasij. Vætardè
masticantibus. Iam qui pensum ci-
tius absoluunt, cæteris adhuc labo-
rantibus, nè ferientur festucas pro-
munt, vel si careant cultris dentes
suffodiunt, micæque ingesto in os vi-
no, cum saliuâ resorbent præter nau-
seam. A mensa cum surgitur, si quid
boli in ore nondum confectum, me-
dio in cœnaculo molitur, circumdu-
ctis oculis in reliquos, ceu testes exi-
mij facti. Nec omittendum, quosdam
post exaustum merum sonantius re-
spirare, vt sapidè bibisse noscantur,
eosdemq; poculum vacuum reponē-
do fortius allidere: alios sorbillando
paullatim, allisione gutturis strido-
rem edere reumaticum. Quosdam
iurulenta cochleari haurientes, vbi ad
imā venerint, adeo sonanter radere
funum, & concaua scutellæ, vt so-
cios ad classicum ciere putes: quam-
quam rarus cochlearis vsus vbi iura li-
quidiora, vt haustui paria sint. Alios
item amygdala, nûces, nucleunt
persicum fracturos mappæ imponere
apta.

aptatumq; cultrum ad findendum pugno impellere, tanto strepitu, vt incudem verberari arbitreris. Plures huiusmodi habent morum elegantias mira concinnitate exercitas: omnium elegantissima est, strophiolis vt parcas, ora, mentumque dum editur, mappa ruuidiore abstergere, frontemque perfricare: demum emuncta è naribus sedam, mucosamque pituitam repanso linteolo intueri, in ea-que velut in speculo se contemplari. Sed hæc satis de hoc genus ciuilitate. Quod reliquum est: nobiles sibi obuij mutuò se vtrimq. ex lege adsalutant, plebei nequaquã sed neq. nobilibus, neq. popularibus honorem habent tametsi præueniantur. Id priuilegij Monarche nescio cui referunt acceptum, sicut etiam adeundo, deducendo, sessione, & petasis omnibus esse pares. Quin verò ligonibus natum hoc genus, cum doctissimis contendunt, sæpiùsq. vincunt fauore, & clamore; addo etiam delatione, quando vt supra memini nobilibus laterones adduntur, & observatores: hinc, mirum quantum quotidiana accessione effe-

rantur

rantur magnarum turbarum causæ. Et misera sanè conditio, vnius bubulci attestazione de nobilissimorum fortunis agi, mendacos impunè agere, ne si coerceantur, de futuri sint accusatores, quorum officijs regitur Monarcha: hinc, bene, & ex virtute operantibus rara præmia, minimùm errantibus lauta supplicia, adulato-ribus primæ, modestis postremæ, vel nullæ partes; vera loquentibus para-ta odia. Verùm hic finis esto non ma-teriæ sed scriptionis, numquam alias de cacoethia Solipforum satis. Reli-qua pete ex nostris Solipforum chro-nicis, vbi & præclara facinora per an-nos, menses, dies digesta, & mores ad rhombum examinati.

Magistratus, & forma regendi Solipforum.

C A P V T V I I I.

ANtequam de legibus Comitijs, & Iudicijs Solipfor. agamus, for-mā Monarchiæ generatim adumbra-mus. Monarcha, supremus mortaliū à suis creditur, nèc nisi potestatem quan-

quandam occultam, nūquam visam, supra se agnoscit, cui reuerentia quædam arbitraria respondet: cæterum lege omni etiam naturæ, si mortem, & infirmitates excipias, solutus. Idem perpetuus est, perinde optimus bonus an malus, quod capitale sit vllum eius factum non laudare; nedum improbare. Durum id non paucis Satrapis, sed inuiti tolerant, quod incauti, & ignorantes probant: Cur Monarchæ temporà non definiant, quatuor causæ à Scribis petibentur. Prima, quod difficile est semel dominio inescatum, rursus in ordinem redigi. Secunda, ne cæteri, si fors ferat eadem suauitate, breui tempore, & minùs iucundè perfruantur. Tertia, ne sæpius mutata Curiae facie Respublica perturbetur, nulliusq; Satraparum constans sit principatus, si toties depositis, qui adulando mesciti sunt, noui sufficiantur. Quarta, est sacramentum occultæ potestati dictum, sine cuius vehementissima in contrarium spiratione, nefas est de hac perpetuitate tollenda cogitare. Est sanè occulta hæc potestas, quam ratio pro
re

re sua coacti appellant, in cæteris, auribus, & stomacho famulantes. Reliqui secundum Monarcham Magistratus, eiusdem nutu, & arbitrio lecti, ita disperitiuntur, ut duodeni assistant in Curia, arduis quotidie consilijs præsentēs: centeni ad regendas totidem Prouincias emittuntur, sed locales singularum Urbium præsidēs, sine numero constituuntur. Tam verò illi, quam isti suos habent Consiliarios, Accensos, Apparitores, & vilissima quæq; seruitia, quæ numerati vix possunt. Hoc constat, in ipsa Monarchæ aula, qui auctoritatem Potentum habent, centenis amplius centenis, missis delatoribus, ne nullus eximat, quomodo fere tot sunt quot impune hac via grassantur ad Dignitates. Hi porro magistratus ita sibi respondent, nihil ut Superiores prætereant gestorum ab inferioribus. Ad Monarcham autem statutis temporibus perscribuntur, quæ in tota Monarchia vniuersim publicèq; spectantur & quæ in singulis Prouincijs, urbibus, domibus, atq; etiam in angulis clam geruntur, nulla re quantumuis minima

ma præterita, quidquid referat, dum Monarcha resciat. Cuius potentia maximè in duobus creditur vulgo eminere: de altero mox dicemus, alterum in re præsentì versatur, quòd secretas etiam suorum cogitationes perhibetur compræhendere, & cal-
le. Nam qui perscribunt, non dun-
taxat rimantur facta, quæ viderint,
sed quæ facienda præimaginationur, so-
la lege liberè cogitandi fingendi pla-
cendi. Seruantur verò Acta in Archi-
uo Curie vastis insecta Indicibus am-
pullarijs, ad memoriam supplicij, non
præmiij, hoc enim vel maxima de cau-
sa rarò, illud ex leuissima sæpius, cer-
tiùsq; decernitur, ne suo merito quis-
piam, non arbitrato Monarchæ fiat
gratiosus. Itaque nullus hic Assuerus,
& si non pauci Mardochei, quam plu-
rimi verò Aman digni patibulo. Iam
regimen Satraparum qui Prouincijs,
aut Urbibus præsunt perpetuum non
est; sed ad nutum Monarchæ seriùs,
aut citiùs expirat, quamquam fauo-
rabiles persæpe lustrum explent; Sic
ad paucos inopinos deerrant hono-
res, melioribus præteritis, ne hi suo-
pte

pte Marte valeant. Nam cæteri animis, & sensu obæratæ Monarchæ ingenio viuunt. Et hoc alterum illud est quod Monarchæ potentiam exaggerat, duo nimirum inter se pugnantia, supra nature vires in vnum connectere; hoc est imprudentes, & iudicio cassos populis præficere. Dudum in Europa apud Iesuitas didiceram, Entia rationis, quæ ipsi vocabant fictitia, in vnâ essentiam coalescere, nulla potentia saluis rebus posse; quæ doctrina trimestri in Logicis scriptio-
ne, vociferantisque toties vsq; ad ra-
uim miseri magistri, frustra stetit. Qui
nisi delirasset, præcepta, Solipsorum
animo sapientia, trimestri alio recan-
tasset. Rideant porro Europæi, quan-
tum velint Solipsorum instituta, dum
agnoscant hac arte, nec alio exem-
plo Monarchiam seruari, & æsti-
mari.

Status Monarchiæ Solipforum.

CAPVT IX.

QVinq; hominū genera hæc Monarchia cōtinet. Nobilium, Populi, Artificum, Plebis, & Adiaphorū. Qui omnes vniuersim ab ipso Monarcha, præuia de vita & moribus informatione leguntur; Adiaphoris per Prouincias cooptādis, Præsidibus quoque fit potestas. Regno tamen & Ciuitate non donantur, antequam vt reliqui peculiaribus cuiq; generi sacramentis in vnum dictorum ordinū ritè adscribantur. Omnes sine exceptione fidelitatem Monarchiæ iurant, Nobiles præterea militiam, vbicumq; & contra quascumque gentium, non petitis sumptibus promittunt. Populi gubernandis tantum Urbibus, & quibuscunq; muneribus domi obeundis fidem spōdent: Artifices demum, & plebei ad præstandam reliquis omnibus seruitutem, nullo aut loco, aut tempore, aut onere detrectato capita deuouēt. Et hi quidem leuibus de causis

sis sacramēto soluti, tota Monarchia excedere coguntur. Reliqui nequaquam, sed intra fines relegati, vel etiam deportati, arcta perpetuò custodia habentur, præcisa omni spe dignitatum, & honorum, neq; interim sponſione liberi. Ex nobilibus tantum creatur ipſe Monarcha, ritu in loco narrando. Præsides Prouinciarum nobiles item, non nisi ab ipſo Monarcha, sicut & Rectores Vrbiũ, sed hi etiam ex populo leguntur, quibus Vicarios, & Coadiuutores singuli Prouinciariũ Præsides designare possunt. Artifices, opificia, & mercaturam tractant, interdum gymnasiarchis quoq; perinde ac nobiles, & populares accensentur. Denique ex plebe, constant milites, mechanici, seruicia omnia, & reliquum Monarchiæ, custodes nimirum corporis Monarchæ, cæterorumque Præsidium; fossiores etiam, callones, agricultores, prædiorum curatores, baiuli, vespillones, carnifices, denique sæx omnis speciei. Ex statu in statum non datur transitus, sed singuli, quam iuramento Spartam susceperunt, ad extremum

mun vitæ coguntur seruire , irriti facti poenitentia . Qua vel vna re Monarchiam stare arbitrantur , si minime perturbatis ordinibus studia partium, & seditiosæ factiones longè absint . Memini tamen ex plebe quosdam singularis facinoris merito inter nobiles semel, iterumque summa potestate monarchia fuisse ascriptos . Decedentium ex singulis statibus locum , Adiaphori, Monarchæ arbitratur implent . Nullum sanè genus felicius plebeijs Solipforum , quos maxime lateri Monarchæ, Præsidentue adhiberi fors tulerit . Hi siquidem, non mensis tantum, cubiculis, lectisternijs, & retrimenti efferendis, purgandòq; lotio præsumt, verum etiam nobilibus admittendis, deducendis præeunt, Principum exterorum legatos excipiunt, audiunt, auditis respondent . Ne dixeris id fieri præposterè, his enim fulcris Monarchiam sustineri aiunt, si æquatis ordinibus argumenta inuidiæ, & factionum facessant . Si Monarcha in publicum prodeat ijsdem plebei pari gressu ad latus incedunt, quibus maximè cura corporis

poris incumbit, nam & domestici medici ex horum tribu leguntur, reliqui cuiuscunq. status præ, & pone eunt. Vix inuenias, qui horum amicitiam non ambiat, varijsq. donarijs non procuret, vt fauorabilem Principem habeat, siue gradu ad dignitates faciendo, siue noxam calumniamue purgando. Nec quidpiam tanti est momenti, quod horum commendatione non obtineas. Doler id non minimum nobilibus, feruntq. impatienter ominosam seruitutem. Et deliberatum aliquando in Interregno, de ijs ad conditionem reuocandis, iurato in rem Monarcha futuro. Sed frustra: nam subodorati consilium, capita vernilia continuo defectione clam agitata Principum exterorum auxilia sollicitare, præmio tradendæ Monarchiæ proposito si præsto essent, & priuilegia plebis seruassent. Ita factum, vt Vibosnatus qui successit, seditio- nis metu, non solum Interregni decreta præteriret: sed neglecto etiam iuramento, integra illis omnia seruaret, atque etiam vltro prærogatiuum Mithræ, Nobilium, & Maioris Magi-

stratus insignē adderet, multis ex nobilitate proscriptis, qui nedum arma capere, sed contra mutire ausi fuissent. Qua victoria illi elati, mirum qua deinde semper insolētia reliquos erga ordines se se habuerint, Vibosnatum vbiq; sub manu ferentes, vt quos vellent gradu mouerent, aliosq; sufficerent. Vidi non semel dignissimos honoribus priuatos, ac contra nocentissima capita, sæpiusq; legibus sacra, factione dictorum plebeiorum, ad gubernacula Prouinciarum accitos, non alio, quàm turbandarum rerum talento; ringentibus interim clarissimis, & præ moerore animi tabescentibus, etsi nonnulli specimine cuiusdā fortitudinis, præposterum Monarchæ exemplum simulatè probarent, ne legi obnoxij forent. Fuit ex illis mortalium vnus, quem nouerim omnium ad regendos populos ineptissimus, cui nec haram tuto commisisses, is non pridem ante plurimorum criminam postulatus, & me ludice capitis damnatus, iamque nouissimo exemplo notandus, plebeiorū tamen illorum apud Vibosnatum auctorita-

toritate patibulo ereptus est : parum erat, nisi paulo post, nondum indutis criminibus, iisdem fautoribus Prætorio quoque Præfectus fuisset, frementibus iustissima indignatione cunctis tantam dignitatem maculari, & facem hominū, Monarchæ noxa, Nobilium capitibus turpiter dominari. Restiti pro munere quantum potui, leges, salutemque Reip. conuelli multis argumentis asserens; sed irrito conatu, quod insulsum factum, vt Verniliti obijciebant, Monarchæ dicto supra leges stabilitum oportuit. Vulgatam porrò fonticam famam, edictum Monarchæ correxit, quo per omnia Prouinciæ Liadersiæ fora, & compita Siuarlicæsus Colosbidozarus, (ita appellabatur) omni ignominia liber esse iubebatur, & omniū opinione bonus haberi. Quod licet rite damnatus fuisset, multis tamen inhonestis nominibus, quorum vnū ad scopum causæ satis erat, accusatus; nempe Maiestatis, depeculationis, occultæ conspirationis, concitatæ ad defectionem Prouinciæ, peruersæ ex inscitia administrationis, deniq;

repetundarum, quas perpetuo stellationatu interuerterat. Horum tamen omnium probatio, quia factis pro se loquentibus nimia erat, absoluendus reatu fuit, cui alioquin supplicium dignum inueniri non potuisset, abigendo omni magistratu remotarum regionum: atq. ideo adhibere eum satius visum est ad custodiam, & directionem Curie Monarchalis, quam perpetuò infamem viuere. Hæc forma edicti: quod cum attonitis auribus plerique accepissent; dubitare cæperunt an eo tenerentur, Monarcham à seipso discessisse arbitrati. In Regia omnium oculis in me conuersis, quid factururus essem, officium, & insignia Iudicis abieci, causatus, ne aut nouis Colosbidocari criminibus, aut vetustis nondum deductis fatigatus, obiectum furori populi caput in Monarchæ iniuria, cōtumeliaq. foret. Ita meo deinceps succo viuens, per aliquot annos tuli hostem nunquam feriatum, quò nocentissimus esset: neque tamen is sine pallore vixit, & sine metu noui iudicij, toties vultu, animo, oculis, voce cadens, quoties
obuium

obuium in Curia declinare non potuit. Quæ de stipatoribus Monarchicis dicimus, proportionem quadam accipienda sunt de ijs, qui Præsidibus Prouinciarum, & Urbium frequentes adsunt; cum quibus nisi more, & Iure prisco agatur, de reliquis statibus breui actum puta, formidine plebeiorum, conditione omnium æquata.

Leges Solipsorum.

CAPVT X.

LEges, & statuta Solipsorum, à quo Monarchiæ forma coepit, in quinquagena volumina ingentia excreuere, abitura in infinita, nisi moderatio intersit. Continent autem varia decreta, tum ad vniuersam Monarchiam, spectantia, tum Monarcharum singularia rescripta, admirandarum plena industriarum, & præceptionum circa singula genera rerum, munerum, personarum, & quæ sub generibus sunt singulorū. Præter ea, quæ singula itē Regna, & Prouinciæ, velut Acta quædam Cōsularia, à Monarcha approbata seruant: singulæ itē

Urbes instar legū municipalium eadē auctoritate firmata, custodiūt. In quibus omnibus duo potissimū libet obseruare; alterum quanta religione Solipsi Monarcham suum colant, supraque omnes mortales efferant; alterum quā acri, & indefessa contentione terrarum orbem eidem subijcere per fas, & nefas laborent: quod Euangelica luce destituti, barbara affectatione res caducas metiantur. Ut hinc discāt politici quidam Europei, longè se barbaris esse deteriores, quoties dominandi causæ, iuris omnis humani diuiniq; contemptu patrocinantur. Sed iam præcipuas Solipsorum leges, in quædam capita paucis redigamus. In primis & ante omnia quiuis Monarchæ Solipsorum subditus; quocunque modo sub potestatem venerit, casu an electione; spontè, an coactus: nouerit omni sibi domino alieno, iuri cuicumq; etiam naturæ, sacramento renuntiandum. Secundo. Nullū Numen nisi ex præscripto Monarchæ colet, ipsum verò Monarcham instar omnium Numinum Cæli, terræ, maris, orci habebit. Ter-

tìò

tiò. Quoduis eius dictum factum, et si nulla ratione boni apparentis, imò naturę pugnans, vt sacrosanctum laudabit, exquisitisq; argumentis confirmabit. Quartò. Quoscunq; Monarcha persequitur, eosdem ipse omni conatu perdere, vel saltem deprimere studebit; vt contra, quibus is fauet, omni honore, & amore prosequetur; nullius præterea inuisi Monarchæ patrociniū suscipiet, imò ne mentionem quidem nisi ad odium inducet, ne laus eiusmodi Monarchā vituperet. Quintò. Cū nullo exterorum, finitimorūq; cuiusuis necessitudinis, aut officij commercii habebit, neq; vllas tabellas dabit, signabitque nisi prius à tribunali constituto visas, probatasque. Sed neq; vllius consiliū, auxiliumue necessitate quauis urgente implorabit. Sextò. Dicta, factaq; vlla Regni, vel Curiae non efferet, nec quicquā vlli mortalium scripto, verboue communicabit, quod ad mores, & statuta Monarchię quouis modo spectare cognoscitur. Contra quidquid vbique gentium, agi, dici perceperit, illico Monarcham certio-

rem faciet, nullis parcendo sumptibus, minutissima quæq; consuetando, & quæ arcana aliorum concernūt rite excipiendo. Septimo. Nullius gentis nationem, mores, aut leges, Solipforum nationi, moribus, & legibus anteferat; sed neque laudet vllō modo, nisi cum prærogatiua instituti Solipforum, procul minimo præiudicio. Octauo. Si quem Solipforum externa quævis Respublica, aut Regnum, finitimiue Principatus, Consiliarium, Ducem, Regem, aut Principem optent; is nisi consulto, & indulgente Monarcha non cōsentiāt; & nihilominus meminerit se obnoxium antiquæ seruituti, teneriq; de omnibus, quæ istic geruntur manifestis iuxta, & occultis eundem mone-
re; nec quippiam seu consulere, seu decernere, nisi monito prius & probante suffragium Monarcha Solipforum. Nono. Cuiuscumq; subditorum occultum quoduis crimen, quam primum & nulla admonitione præmissa Monarchæ, aut captandarum accusationum Vicario denuntiabit, nulla seruata iuris cuiusquam forma, quid-
quid

quid tandem inde sequatur accusato: irrito præterea quouis voto, & iuramento præstito de non denunciando: idque etiam de manifestis criminibus intelligendum, etsi constet aliunde iam innotuisse Monarchæ: Neq. curandum quæ moueat suspicio, vera an falsa sint referenda, præstabit verò officium omni postposita mora, ni periculo suo eam esse velit. Decimo. Sicut curare non debet de fama alterius, iustè an iniustè delati, ita negligere debet suam, si fors deferatur legitimè an contra, veri an falsi postuletur, nec vlllo iure vindicias petat: certus se nullum habere famæ suæ dominium, quod semel in Monarchæ potestate deposuit. Vndecimo. Omnium siue apertè, siue clanculum gestarum à se rerum rationem Monarchæ, aut eius Vicario reddet, siue sponte, siue toties quoties cum auctoritate requisitus, nullas celando quantumvis occultissimas, & solis Dijs receptis, vel ignoto alicui Numini notas cogitationes, tametsi contra ipsum Monarcham, & Monarchiam conceptas, nec curiosè inqui-

reno, quem in finem id exigatur. Duodecimo. Quidquid de se constitutatur, è manu Monarchæ suscipiat, non replicando, aut obmurmurando, vel si prælatis indignioribus ipse negligatur, aut studio deprimatur, talentorum omnium detrimento facto hoc secum seriò, & sedulo reputans, bene secum agi humi, ne, an sublime putrescat, cuius fors in manu Monarchæ sit; quem semel dominum errandi nescium agnouerit, à quo iniusta an iniustè faciente appellare nefas esto: quippè Numinis instar omnipotentis, superiorem se ignorans vult æstimare. Tertiodecimo. Cauet ne curiosè mysteria gubernationis Monarchæ, & Vicariorum vestiget, neq; hos dementiæ insimulet in agendo, quamuis omni discretionem, prudentiam, & iudicio cassos; certus Monarchæ non expedire prudentiores se regimini præficere, quique non tam obsequi incunctanter ad litteram, quàm consulere, & præcipere secundum rationem norint. Quartodecimo. Denique certò sibi persuadeat, non solum voluntatem omnem, & iudiciū suum

suum subdendum esse voluntati, & iudicio Monarchæ, sed etiam intellectum, & rationem, non obstante, (quidquid dicant superstitiosi Europæi) legis, & luminis naturæ pugnamancipandam esse in obsequium dictorum decretorumq; eiusdem, eoduxtaxat momento, *quia ipse dixit. ipse iussit.* Atque hæc fere est summa legum, quas Solipsi tot insanis Pandectis complectuntur, & nullo proposito præmio, sed maximis intentatis poenis districtissimè seruandas præcipiunt, addita hac velut appendice, ad subditos animandos sententia, ipsarumq; legum anima, vt quisque ad obedientiam, & obsequium Monarchæ se paraturus, cogitare acquiescat, non se hominem, sed cicuratum bestiam esse.

*Considerationes quædam circa leges
Solipforum.*

C A P V T XI.

OMni etiam iuri naturæ renuntiare, quod primum caput exigit,

diræ cuiusdam paucis cognitæ deuotionis sapit authoramentum. De quo cum altiora quædā ex Satrapis scrutaret, attoniti profitebantur se non scisse, quid iuxta principia Europæorum lex naturæ præ se ferret: adolescentesq. admodum eiurasse, vt iam poenitentia duntaxat, facti retractandi nullus superfit modus. *Lex secunda* aut ad statuam auream campi Durę prouincię Babilonis alludit, aut ad Darij Regis ex instituto Medorum, & Persarum decretum refert: persæpe subit, si contingeret Solipfos Euāgelio nomen dare, ex Monarchæ placito Religionem ordinandam, & plquam olim Tiberium, laboraturos Christianos ad Christum inter Numisna recensendum. *Tertia*, habitum prauæ dispositionis in intellectu ingeneret necesse est: quid enim si vnus horæ intervallo cōtraria cogantur affirmare, nec veritati constanter assuefacti consuetudine quadam mentiantur? *Quarta* mihi semper inhumana, & infra Scyticam barbara visa est, cū ferrem iniquissimè toties innocentes in auditos damnari, fontes contra, & per-

perditissimorum mancipia morum ,
foro vti : Verum ipsi incolumitatem
sue Monarchiæ hinc potissimū solēt
æstimare, si prudenti, imprudentique
Monarche perinde assentiatur, nil sua
referre dictitantes, bene, an malè, dū
iubeat: multoq. magis si exemplo præ-
eat, atq. hanc summam membrorum,
inter se, & cum capite concordiam,
plusquam exenthusiasmo profitētur;
Quinta lex, multa ex prudentiæ norma
commoda habet, si excipias malè cau-
tum, nullius cōsiliū impune implo-
rare, ingenti forsitan argumento su-
perbiæ, periclitari Remp. malle, quàm
sapientioris consiliū, auxiliumue re-
quirere, ne turpe (credas) videatur;
in tanta Monarchia paucos sape-
re, & tantū opinione simplicium,
& obnoxiorū, Sapientiæ nomen tue-
ri. *Sexta* versutissimam in gente bar-
bara carnis prudentiam prodit, non
infra Europæorum politicorum calli-
ditatem, vt dubites, an hi, ab illis ac-
ceperint, an per abreptos traditam,
postliminio reuocarint. Cæterum si
quid aliquando contulit ad prouidū
regimen Prouinciarum, quando sim-
pli-

plicioribus expectoratis, omnium consilia, Monarchæ patebant: hodie plenum periculi negotium est, & quæadmodum antea pròni ad mendacia perscribebant, quæ vulgò rumore iactabantur, multisq; ea in rem suam exaggerabant; ità modò à callentibus hominum mores, & contraria simulantibus, in errores mittuntur planè ridiculos, & deliberationes Monarchæ ludos faciūt. *Septima*, cum urbana humanitate pugnat, nec diuines quid ad politicum statum conferat, nisi certò existiment, aliorum Regnorum, & legum laudem, transfugio suorum exseruitute in libertatem, Monarchiæ tyrannidis esse destructionem. *Octana* inmanem dominandi libidinem manifestè accusat, ob quam non multis ab hinc annis, omnium finitimorum Principum odijs exerceri cæperunt districtè cauentium, ne quis vnquam Solipforum in posterum, nō modò in honoris, & Regni participationem euocaretur, verum etiā, vt aditu omni arceretur, deprehensus in forum mithellatus produceretur, & cū risu plebis extra fines ageretur. Magnum alio.

alioqui in hac lege subigendi orbis totius compendium, præpostera cupiditas corrumpit: quam ut aliquando ex parte sanarem, quod sub manu habui consilium in medium attuli, cuius infra meminero. *Nona*. Ut capitalissima, ita olim magna religione servata est, hodie à plerisq: (an suo periculo eruditis) præteritur, ut nihil ad naturam extirpandam violentius: nec pauci hoc propter eiurata Monarchæ fide, receptorum nisi auctoritate Solipsos in odium gentium vocatos vexant. *Decima* similem considerationem habet, nec minus temerè prodigius est vitæ, qui crudelis est in famâ, ut aliena potestate sæuiat in naturam, nulla aliena vita æstimandam, *Undecima* causas habet odij plenas, nec tutum in humanis sacramentû, plerisq: dolosa hæc confidentia peperit exitiû, quibus manifestata conscientia dux fuit ad supplicium, & vindictam: quoties prætextu directionis irretiti sunt minus cauti laqueis synceræ cōfessionis: hodie pleriq. fallunt scrutatores dolosos, experiëntia docti eosdem fuisse & delatores, si quid arcana cogita-

tio-

tionis vel aduersum se, vel aduersum Monarcham elicuerunt, vt quos fortasse tacitis cogitationibus offendissent, eosdem perpetuos hostes sentirent, turpissimi facinoris architectos: Quid enim inhumanius, quàm specie religionis extortam arcanam fiduciã, in fidei, & omnis confidentiæ pernitiẽ conuertere: Sed benè actum quod serius licet, paulatim inducendo, nisi apud rudissimos, obuiam itum, huic, vt quidam ex Asianis aiebat animorum carnificinæ. Interrogatus haud semel, an quid simile mos Europæus ferret: respondi, Esse quosdam Numini consecratorum coetus, qui tyronum suorum cogitatus religiosè expiscantur: ad formandum in ijs legitimum cultum, ne in cærimonijs secretioribus errent: cautum tamen huiusmodi quæstionarijs, ne susceptas aduersum setyronum cogitationes, aut vestigent, aut cernant. Esse altius forum, quo secreta cordium, quæ expiatione egent, soli Numini Europæorũ inuisibili: & Sacerdoti locum eius tenenti, sub sigillo Sacramenti, oris confessione deteguntur, acceptaq. noxæ
ab-

absolutione, fruitur confessus tuta cō-
sciētiae libertate, nullo periculo, vt ex
ea in iudicium hominum deducatur;
aut Sacerdos, qui excepit, eiusmodi
secreti cognitione in rem suam vta-
tur, millies moriturus antequam figil-
lum violaturus. Hic, inquam, mos est
Europæorum. At quidā Satraparum
Rectē aiebāt, ita fieri apud Europeos,
quibus Deus aliquis Principibus ma-
ior imperat. Solipsorum Monarcham
supra se nosse neminem; quid mirum
si in occultas quoq; mētis conception-
es iure sibi vendicet dominatū? *Duo-*
decima, nisi ex eternis quas vocant ra-
tionibus pendatur, quarum tamē cu-
ra Solipsis minimē constat, miræ tyrā-
nidis speciem præfert, impotenter in
naturā vim exercētis, nihil vt tristius
accidere queat ijs, quos adulari mini-
mē doctos fauor Monarchę nō attin-
git: Iacent ingenui, & ad summa om-
nia nati, quibus origine spectata Mo-
narcha ne dignē quidem seruiat, sine
vlla rerum gestarum laude, nedū præ-
mio; contra terrę filij, ac tantum ad
genium Monarchę facti assurgūt, ser-
uiq; dominis depudito fauore impe-
rant.

rant. Nempe hæc summa est gloria Monarchæ, viris præstantissimis perinde vti ad Prouincias regendas, & cloachas hauriendas: mediaſtinos vero ad solium dirigere, o tempora, o mores! *Decimatertia* eò tendit, vt stulti sapientibus moderentur, atq; vtinam tacendo norint sapientiam præferre, qui loquentia nimia, nunquam non melioribus officiunt. Sed hinc nimium prudentia penditur Monarchæ, ne si sapientes promoueat, ipsi cum iisdem minime constet. Nam si difficile est parem ferre, molestius multò superiorem talento, auctoritate licet inferiorem reuereri: Proinde satius est inter cæcos monoculum regnare, vt de coloribus tutè asserat, & persuadeat. *Decimaquarta* deniq; omnium aliarum est summa, quæ vel sola tota Monarchia consistat perpetuò, si cætera semper futura sint paria, sed verendum, ne detracta aliquando larua, inter stultitiam, & simplicitatem discernatur, cumque lumine naturæ transigat discretio.

Iudicia Solipsorum.

CAPVT XII.

DE iudicijs ingentes habent Pandectas, sed nullo ordine, nec arte, ob id ne à senioribus quidem intellectas, omnia moderante Monarchæ arbitrio, ad quem omnium Regnorū maiores, minoresque causæ deferuntur. Is porro nulla iuris forma seruata, nec tamen de plano, & vix etiam summaria cognitione, damnat, absoluit, vt lubet. Habent nihilominus singuli Monarchæ suos modos, non ex præscripto legum, sed suæ voluntatis. Hinc tot praxes, quot Monarchæ exempla duorum, qui meo tempore sibi succedentes imperarunt, paucis referam. Prior Auisducluius pacis post meum aduētum defunctus, Monarchiam florentem reliquit, magni vir animi, cuius nō postrema laudum fuerit, multa licet è suo genio gerentem, Maiorum tamen vestigia, ex sapientum decretis sanctiūs, & luculentius expressisse. Qui si diutiūs vixisset, ho-

hodie Solipsi magnam partem Christiani essent. Successit Vibosnatus forte errante, sibi potius quàm Reip. factus, qui laxatis ignaviæ habenis, iustitia afflictâ Monarchiam haud parum labefactavit: cuius porro imperio in iudicijs exercendis, hic fere mos tenuit. Reo per apparitores constituto, mittebatur defensio, ad aquæ modum, nullo tamen patrono admisso, sed quam suo pte ingenio valebat adstruere. Ea excepta Iudices dati, Satrapæ, Monarchæ, Assessores, adiunctis potentioribus, qui accusassent, vel accusati fuissent; ne fortè aut his convictis, aut illis deficiētibus, minus potentes, & deserti insolescerent. Ea propter constituta etiâ pæna talionis, qua in miseros acerbè sequebatur, semper enim certi erant potentiores, se causa triumphaturos, cuius ipsi cognitores, & iudices essent. Quo fiebat ut iidem quātumvis criminosisissimi, rarò accusarentur, accusati damnarentur nunquā, qui iure ipsos accusare fuissent ausi, etsi centum criminum capitalissimorum, totaque aliqua Vrbe, aut Prouincia manifestorum, argu-

mentis

mentis venissēt in structi: nihilominus
dubij periclitarentur. Quare datis,
quos dicebam iudicibus, conse quens
erat reum minorum gentium causa
cadere: vulgataque sententia pena il-
lico sequebatur nulla intercessione re-
dimibilis, & ne iniustitia appareret,
prouocatione seclusa iura manu clau-
debantur: cōtra si meritō causę fiden-
tius rem gessisset, fractaq. potentum
tergiuerfatione victoriam prope ma-
nu teneret, tū iudices vario pretextu
procrastinare, adeoq. in diem longū
spem irritam extendere, vt miserum
molestia diurnę expectationis ema-
ciatum, vel cedere cogerent, vel ad
spontaneam confessionem, si accusa-
tus fuisset, tametsi nullius criminis cō-
pertus. Quam si impetrasset, monito
Monarcha reus peragebatur, vix vn-
quā absoluebatur, ne si impunē abij-
set, frustra à delatoribus, per fas, ne-
fasq. accusari quępiam malo exem-
plo fuisset. Si porro aduersus iniquam
moram durasset, tum iudices, cōstan-
tiam contumaciam interpretati, re-
petitis à prima ætate, vel minimis no-
xis, nec euacuata interim exceptione
præ-

præsentis iudicij, causam vulneratam aliorum trahebant capita fere criminum erant sternutando crepuisse, manducando labra diduxisse, casum asinirisse, clam in cubili contentius tussivisse, & sexcenta id genus. Quæ si reus tanquam aliena derisisset, tum demum sententia peremptoriè lata supplicium extremum misero decernebatur. Hoc ordine meo tempore Afrorum quidam capitis damnatus, inopinato finitimos Principes, qui tum forte Monarchæ sociale bellum indixerant, appellavit ea causa consternatus Monarcha, hætenus enim nemo à tanta potestate provocasse auditus erat, rem ex composito geri suspicatus, Surlolagerum (ita vocabatur) abscissa sententia liberum pronuntiavit, protestatus nihil se de eius damnatione scisse, culpamque in Satrapas effeminatè coniecit. Nos Europæi salutem Afro gratulati, quid facto in posterum opus esset, notauimus. Poenæ supplicijs debitæ apud Solipsos sunt variæ, emaceratio, fustigatio, diuersa verberatio, sed ut quisque sibi sit virgator publicus, carceres, relegationes, proscriptiones, maiores, mino-

minoreſue capitis diminutiones, cuiusmodi ſunt abſtentos eſſe gratia, & conſpectu Principis, impotem ſuffragiorum ad honeſtiora munera, deniq; exoſum, & peroſum, nullo vt merito fauor integrari queat. Quo vno maxime ſæuiebat Vibosnatus, nulli placabilis, quem ſemel etſi immerentem deſpexiſſet, vt contra nulli non fauorabilis, quem ſemel etſi nauci hominem, & inſigniter diſcholum adamaſſet. Ea res non paucos ad deſperationem, & ad acerba omnia adegit, quorum ego ſorte miſeratus, vt animos ſumerent admonui, nec tanti facerent muliebrem hominis lepore timidioris impotentiam, & qui modeſtos vexare tantum noſſet, audaciores extimeſceret. Quamquam non pauci ingenium ad altiores cauſas adulando referebant, affirmantes Monarcham ex meritis cuiuſq; præuiſis, & ſcientia quadam de grumata cognoſcere, quid quiſque ſubditorum facturus foret prau ſi Principis gratia frueretur, aut odia non exerceretur; eoq; par eſſe huiusmodi anticipato ſupplio plecti, etſi in oculis mortaliū non
dur

dum fontem : vt contra insolentes ad gratiam admitti , & reliquis efferri , quòd prænosset Monarcha , futuros aliquando modestiores, dignosq. præmijs antecaptis. Quo certè modo, nec Caiphas apud Hebræos prophetauit, nec turpius actum apud illos, qui reos suspicione duntaxat criminis, nulla alia probatione peractos , patibulis suffigere soliti sunt . Deinde verò causa cognita si fontes deprehendissent , dio permittere, si secus , depositis honorificè iusta persolvere . Referam & aliud , sed ludo , ne lectori bilem moueam, vt norit esse in Solipsis, qui Plauti comica exornet. Edicit Spinomantæus Prætor Pharsacio aulico deportationem Monarchæ iussu, & scripto . Miratur is inscius demeriti, Monarcham appellat, adit, prouoluit inquit . Negat hic stupenti similis quicquam se auctore factum, & bono esse animo Pharsacium iubet, qui totus sibi redditus, sua gaudia amicis narrat; Postridie à Spinomantæo monetur acrius, ad exiliū se quātocyus componat. Renuit ille, fidētius etiam, cū Monarcha fictam iussionem impro-

probante, actum obtendit: Verum Spinomantæus: Nihil mihi inquit, cautam recens à Monarcha, infisto primis decretis, actutum faxis, vt pareas. Quid ultra? curritur ad Satrapas participantes, iterumq. ad Monarcham, & accusatur à Pharsacio Spinomantæus, ceu contemptor magni nominis. Iterum gestu, vultuq. simulat Monarcha ore per ambigua, sed fauorabilia errante. Instat Pharsacius, vt sistatur Spinomantæus, coramque munita capeffat. Harere Monarcha, ne filium succidat: mox perge, inquit, securus voti, curabo accersirier, aduertendum ne te vexet. Abit Pharsacius, & tanquam omnes fluctus eluctatus, technæ imprudens iterum triumphat: Perendino vrgetur vehementius, vt sarcinas componat, intra horam pedes elaturus, seuerè plectendus ni exsit. Tum Pharsacius iniqui impatiens, concitabile, ad Monarchæ fores aduolare. Sed negata admissio à docto custode, ne quiescenti, vt aiebat, intercederet; monet, vt crastina redeat: scilicet vt post secessum Monarchę primo dilu-

D

culo

culo ad suburbana, veniētem frustret, aut eijciendo spatium faciat, instante interim momento, quod Spinomantæus scorpionis cauda designarat. Ita Pharsacius pene ob deceptionem sui impositus, extrusus est in exilium: Quotidiana exempla suo quoque periculo illustrans. Hoc nimirum admirandæ regimen est sapientiæ, collusionibus, & stellionatu traducere miseros, & datariæ salutis exortes, qui æqui causa ex lege recurrunt, in totius vitæ ærumnam mittere perplexissimos. Luditur ut pila, iustitia percussa, percussa, eluditurq. afflictorum expectatio; quibus si dolor verbum eliciat impatientius, crimen Maiestatis in foro est. Si Spinomantæus barbarus, Monarchæ se stitisset compulsus, patuisset mutua ex vultibus collusio, & technæ vafritiem, non constantia cum mente verba prodidissent. O versutam, si Dijs placet, politicam agyrtis plausibilem. Gemina fuit causa, Recusij, sed dolosis adinventionibus protractior. De ea consultus ego respondi, artem arte eludendam. Deferret Spinomantæum apud Monarcham,

cham, quasi de eiusdem ignauia mutientem, vt cuius consilijs nutaret potiùs, quam staret Regnum: Vicissim obscurè aduerteret Spinomantæum, de insidijs à Monarcha tentis, vt officio motum releget ad glaciales insulas, odijs implicando imperiosam superbiam. Ita futurum, vt, vel committantur infensissimè, prouocaris etiam ad seditionem turbatorum animis: vel si dolus detegatur; hoc argumento doceantur ipsi, notas esse suas artes, quibus subditos ludificarent, nec struendum alijs malum, quod sibi nollent; nec astu, sed prudentia, & scientia regendos populos, animo, quod Orator noster notauit, non versuto, obscuro, fallaci, malitioso, veterario, vafro; sed qui decet, apertum, simplicem, ingenuum, discretum, iustum denique, & bonū virum.

Considerationes circa Iudicia Solipforum.

C A P V T XIII.

QUæ de Iudicijs, eadem de legibus hic quoque non extra scamnum

dici possunt. Iudicia sine iure tractari, prorsus ab humanitate alienum, sed neque tolerabile subditis contra Magistratus meritò conquerentibus, quaecumq. ius, & æquitatem adimimine, quemadmodū iniquè caussantur, contemnere dominos assuescant, ac paulatim in Monarcham insurgant; futurum alioquin, nemo ut Magistratum ineat, confusaq. Monarchia aditus ad Anarchiam pate scat. Dignus prætextus, quo & subditi opprimantur, & Magistratus citra reatum impunè quiduis admittat ex Monarchæ lubentia; quæ non semel pretium tulit, fertq. in dies igeniis tantam iniquitatem non ferentibus, suaque manu vindictam sumentibus, Vidi proinde ab his Magistratus non perfuntoriè vapulasse, qui cū accusarentur ad finitimos Principes sese recipientes, causam liberè dixerunt: fecisse se amore iusti, quod Monarcha negligeret, eo solum culpādos, quod minùs lacertosi, peiora meritis vitam reliquissent: hoc, modo in antecessum satis esse, facturos se in posterum, ut Monarchæ officium facerent, aut
certè

certè ipsi quoque in ius ambularent. Turpe etiam seruos Monarchæ fauore, ingenuis dominari; adulatores, ac delatores; summo loco haberi, seria amantes, & modestos nullo gradu censerì. Qua religione stimulatus non nemo Asianorum, aliquādo ad libertatem conclamauit, sed enim ex miseris infra seruitia depressis, vix erat qui ad pileum respiceret, multò minùs, qui capita conferre auderent, quod Sacramento Nonne legis alter alteri non fideret. Quippe Solipsi nunquam tuta inter se societate coalescunt, & contempta secreti sanctitate, qui modo amicissimi, iisdem paulò post inimicissimi, nullo vel sanguinis respectu, modo gratiam Monarchæ, adulatione, & accusatione ceutessera fidelitatis vnica, parare non cessent. Ea causa aliquando in discrimen vocatus, bono sydere euasi. Forte cuidam, vt simulabat, amico, ostenderam thema cœleste, quo ex ritu Europæorum Principis finitimi casû conieceram: probauit homo versutus, ac vt de capite Monarchæ nostri periclitarer callidè vrgebat, iurans

apud se clam futurum. Nec promisi, nec abnui: istamen velut sponsione capta, rectâ ad Monarcham perrexit, & mētitus iniquissimè denuntiat, tanquam si Magicis Europæorum characteribus de capite Monarchæ cum diris peregissem. Nec mora, inter inopinas apparitorum manus Majestatis reus acclanior, & coram Monarcha excutior, profertur è femoralibus charta genethliaca, sed lecto Principis Europæi vocabulo, mendax accusator deferbuit non erubuit. Iussus euoluere prognosim, & rei non fallentem in Europa euentum, peritiæ laudem tuli, tum vt Monarchiæ quoque Solipsorum futuros successus in figuras referreni, ab ipso Monarcha monitus; respondi, rem esse supra artis metas, quòd Europæi virtuti syderum influētium subiecti essent, Solipsorum Monarcha superior cælo & astris, constellationes manu regeret, alioquin Euimæum antequam accusasset instantissimè flagitasse, si quid possem, in Monarchæ caput procuderem. Ita salutem meam consului, ac vt Euimæus gradu deiectus luce careret

ex lege confectum est. Sed is neque
tum adulando defecit, perhibens de-
nunciassse me ab se nō vt plecterer, sed
vt de peritia commendarer. Dij ma-
luerint meliora, atque talem commē-
dationem auerruncassint. Adhuc ve-
rò durius fortasse sit prudenti impru-
dentiq. Principi perinde consentire,
mentem, aienti, neganti venam
accommodare, sensum animi ducem
peruertere, quos deniq. ipse perpe-
ram odit perditos velle. Quoties id co-
ram Satrapis detestatus, natura ipsa
reclamante execrabar? Sed frustra, &
surdis fabulam. Amici vt abstinerem
nutu aduertebant, in speciem contra-
dicebant, ne delatoribus obnoxii fo-
rent. Lepidum est quod narro. De-
latus non nemo, quōd Præsidem Re-
gni Pactelisonaui toruius aspexisset
(luscus erat) securi adiudicatus est;
abreptum ab aspectu Principis, & iam
ducendum ad supplicium, cuncti cer-
tatim verbis opprobriosis, creperes
ictus minati, impetere. Ego misera-
tus hominis olim amici vices, forte
intercessi, ac vt iniquā fortunam pa-
tienter ferret hortari blandius cœpi.

Tum apparitorum Præfectus, semihomo, & qui nuper ex patibulo se in aulam iniecerat, adulando, mentiendoque, huc progressus; horrenda voce inclamare, trucesq. oculos foedè distorquere. Quid tu, inquit, mortalium audacissime solaris, quē Monarcha perditum cupit? Iam iam socius criminis poenam dabis. Dixit, & obtorto collo ad Monarcham raptari iubet. Momento plures centenis accusatoribus adsunt, deponūt me nullo eorū respectu, qui Monarchæ placituri, damnato ad supplicium insultassent, inter manus penetrasse, & morituro ad aures insusurrasse, quibus ipse arrisisset. Id quia in contemptum Principis redundaret, ridere ius, & potestatem iubentis, me reum esse mortis. Respondi, hortatum me, ut mortem miser fortiter ferret; hoc ipsum, clamabant illi, esse contra mentem Monarchæ, sed tamen plura alia noxia dixisse me iurabant. Instanti, ut quænam illa essent, in medium proferrent, aut nescientes ad mortuum sciscitaturi pergerent; ludum improperant, & ridentem noua accusatio-

ne

ne petunt. Cæterùm Monarcha nutu silentio imperato, vt si quid amplius morituro dixissem enunciarẽ, seriò mandauit. Respondi facturum me libenter, sed remotis arbitris, me mysteria vulgarentur. Discessere omnes, & ego ex gentis more, quoties luberet mentiri doctus, retuli: Tria me commendasse morituro. Primum vt quo loco apud Inferos essent Monarchæ, & Satrapæ nostri, renunciaret. Alterum, vt si qui modus foret Monarchiæ etiam apud Inferos proferendæ, edöceret. Tèrtium, vt quidquid tandem istic noui accideret, certiozem faceret. Ita enim argumentabar; O Monarcha potentissime, magnam me apud te gratiam initurum, si quæ in cæcis illis Regnis agerentur, tibi indicarem; quando quæ in hoc mundo geruntur, quamplurimi sunt, qui placendi studio partes præoccupant, & mendacijs exaggerata, referunt, nunquam vt ego tempore adsim. Atque hæc summa sermonis cum morituro fuit, nouo tibi placendi studio, si verum amas. Probauit Monarcha ingenium, ac vt clam alijs,

D 5 quæ

quæ ex Inferis accepturus forem, sedulo referrem rogauit, & mox patefacta porta, mirantibus, qui foris præstolabantur Satrapis, me non solum sacris consilijs, & scrinijs interesse iussit, verum vt causas omnes cum absoluta auctoritate cernerem, publicauit. Vidisses mutatos repente plurimorum vultus, quibus mendacium, & adulatio census erant; plausisse alios, qui restrictam ad stabiles leges disciplinam, amabant. E quidem foro vius, indignos muneribus arcere, bene meritos fouere, ex Europæorum instituto æquitatem moderari, personas non acceptare: ita me Orcinis amici mortui oraculis moneri perhibebam. Quid plura? vt infanda delatorum capita deprimerem, sexcentis vna nocte numellis medio loco locatis, interiectis inter singula centena quinis crucibus, spectaculū Iuris edidi: totidem insertis collis visebantur adulescentes, & ex Crucibus singuli pēdebant delatores, qui proposita, & iurata poena talionis, probando defecerant, & mendacij, & calumniarum manifestò comperti. In his tres quoque

que Satrapæ, nuper Præsides Prouintiarum. Ita factum, vt deserta pene aula Monarche videretur, procul prehensatoribus, & reliquo hominum fuco, paucis admodum bonis, qui in munere suo versabantur, eiusdem conspectui sese offerentibus, Causam rarioris officij, & seruitiorum sciscitatus ille; deductus est vnde ex patentiore loco in forum prospiceret, attonitisq. oculis hæsit in numellatis, ac patibulatis, qui due id rei esset tremebundo ore quærens, audiit ex Accenso: hoc te spectaculo, o Monarcha recreat Cornelius, quem nuper extulisti: Si pergit, de Monarchia breui actū est: sublatis enim adulatoribus, ac delatoribus, qui te variè erudiant, ignorantia, aut tædio tabescas necesse est. Motus ille ad hæc continuò acciri iubet, ac cur ita fecissem, rogare. Respondi, sic me iussum à mortuo, minis quoque tibi intētis ni citò paruisssem: quòd præstaret nebulonum genus è medio tollere, quàm horum facinoribus damnata Innocētia Monarchiam probrosè regi: Nec me inclementer egisse, vita relicta ijs, quo-

rum ceruices numelle coercent, fame duntaxat emaciatis, & hi quidē sunt effrontes adulatores, qui victum, & honores meritis debitos manticulando adhamant. Cæteri qui ex furcis enecti pendent, gratiam tuam fictis innocētum accusationibus nundinari soliti, quod poenas talionis iuxta leges Monarchiæ constitutas non perdissent, hac vice luerunt; fortunati, quòd vno, nec productiori supplicio perierint, maioribus digni. Ex hoc genere seruantur adhuc in custodijs, millenis ampliùs, quamprimùm directis addendi. Ita spero futurum, vt sublata paulatim hac nefariorum colluione, me consule, & Iudice, Monarchiam stabilitum eas. Obstupuit Monarcha, nec quid contra redderet occurrit; dirigere & stipatores, quos inter Colosberadus, de quo aliàs dictum, animo defectus, lectica delatus est; Paulo post coacto absq. me residuo Senatu; mutilo sanè, & manco, vt Iudicis officio cederem, decretum est; mox etiam iussus porrigere nomina designatorum ad Crucem, cū inter ea Colosberadus quoque

non hære-

hæreret, hic metu exanimatus, non ante fugientem spiritum reuocauit, quã audisset me cessisse. Et agebatur solertissimè de tollendo è viuis, nisi timuissent coalito cum mortuis federe funestio-rem, quàm à numellis, & crucibus me facturum Monarchiam. Cuius rei nõ multò post, nescio quid, ludicri spectaculi speciem adstruxit. Fortè Libanotius Ritanorum Principis Legatus; per confinia Solipforum iter faciens, in morbum incidit, atq; etiam intra paucos dies vita functus est: Musarbanus Collegam sepulturæ traditurus, proximæ Urbis Solipforum Arontia gubernatorem Tiraphernũ adit, rogat liceat sibi in comuni ciuium fano cadauer sepulturæ mandare, & iusta tanto viro ex more persolvere: facturum se vt Libanotius Princeps tanti memoriam beneficii, regio præstaret officio. Negauit Tiraphernus, & nequicquam iura gentium causatum, inhumanè reiecit: quid enim impenderet mortuis, vuentibus odiosus? Excanduit Musarbanus, & conuictio iacto indignas recessit. Mox coacta suorum manu in-
posi-

positum carro cadauer, iunctis elephantis, pluribusque circum tædis accensis aduexit: vt prope moenia ventum, custodes, barritu, & insolenti sub auroram luce territi diffugiunt, & Tirapherno prodigium narrant. Is dum arma amens capit, suosque excitat, Musarbanus interim, vi, patefacta Urbis porta infunditur, & iam medio foro funus ducit, stupentibus ad inusitatum aspectum Arontiae populis, quos nec tecta, nec fenestre capiebant. Adest & Tiraphernus, inclamat retrò se agāt, nolle se peregrinis exuijs religionem, fanumque suum polluere. Musarbano negligēte infaniā, & qui funus agebant, ordine seruato, lessum prosequētibz. Ille manus admouet, & Sacerdotē thura parantem humi sternit, suosque vt vim tentent vociferando vrget. Tum Musarbanus tempus adesse ratus, socijs quid facto opus innuit, qui abiecta continuò pulla, vt parati erant, manus exerunt, nec tamen gladijs, sed facibus rem gerunt, in ora Solipforum flammæos ictus vibrantes. Sistit interea funus, & qui in carro erant curatores,
ere-

erecto etiam casu, an studio cadauere, quasi ad spectandum suum trophæum, iaculabantur in aduersos, quidquid aut stuppæ, aut picis, aut cæræ ardentis funeri præpararant; eulantiibus Solipsis, quorum vultum, vel manus feruentes guttæ contigissent: neque hoc solùm, sed laxatis elephantis, quos iam flammæ agitatae ad ferociam accenderant; vbi hi aduersos proterere cœpissent, clamor ingens Solipsorum exoritur pacem deprecantium, nec se cum mortuis præliari velle ingeminantium. Ita plusquam panico terrore correpti dant manus. Ipse ante alios Tiraphernis, ambustis oculis, barba, mento, naso, auriculis, primus adorat, & facturum se iussa iurat. Sic pugna sedata, reclinato cadauere, funus perrexit. Cecidere ex Solipsis sexcenti; totidem vultu deformati, monoculi, barba, crinibusque deusti, nasus picatis, collisq. cæcomaticis. Ex Ritanis vnus è carro, dum fortius agit in subiectos prouens, solutis caligarum ligulis ridiculo spectaculo nates attriuit. Atq. hoc genus prælij, finitimis circum populis, diu,
&

& terrori fuit, & risui, sed Solipfis ingenti pudori, exprobantibus barbariem Tirapherni plerisque Principibus. Super omnia terruit Vibosnatum, quod rumore incerto accepisset, à mortuis Arontiam expugnata. Id Lucij Cornelij factione ex nupera offensione obuénisse suspicatus, ne quid simile Regiæ suæ intētare, hominem lenire, & pristinis honoribus ornare instituit. Verùm paulò post certior factus, destitit. Missis quippe à finitimis, qui docerent, & Tiraphernum inhumanitatis accusarent de eo in ordinem redigendo cogitauit. Quare communicato cum Satrapis cōsilio, perpetuis vinculis mancipandū decreuerat, nisi fuisset, qui hominem adeo deformatum, & cui timor ex ea rixa fixus, ultro spiritum extrusus erat, parcendum esse persuasisset; proinde vacaturo à munere, grauius nihil actum est, quàm vt pudori suo relinqueretur. Porro tum ipse, tum residui Solipforum sæpius testati sunt, se non tam elephantum, aliouè terrore perculsos concidisse, quàm, cum erectum è feretro cadauer, cominus existi-

stimassent faces vibrare ; tum sibi visum incōsultum pugnare cum ijs, qui mortui quoque bellaturi forent . Rīdīculi homines, orbi terrarum leges sedare somniant , neq. tamen discernūt inter larvas , & veros vultus . Placuit hęc describere memorando magis stratagēmate , quā cum Hastings ille Danorum Dux tot scriptoribus decantatus Lunam Ligurię Urbem imaginatus Romam esse, obiecto per dolum funeris sui ductu, diripuit, non facibus, sed gladijs ciues interimendo.

Comitia , & Consultationes Solipsorum .

C A P V T XIV.

Comitia Solipsorum duplicis sunt generis ; Maiora , quę generalia vocari lubet ; Minora , quę singularū Prouinciarum . Illa rarissimē, & nisi in Interregnis ad nouum Monarcham legendū vix coguntur . Vacante porro Monarchia, Præfectus Prętorij auctoritate Vicarij ius dicit, & ex omnibus Regnis euocat Sarrāpas, quibus in eligendo suffragiū est. Ij omnes cōstituto

stituto die in Regiam cōueniunt. Hæc præmissis, diris, & execrationibus si quis vel secreta euulget, vel in non idoneum conspiret, in conclaue numerosissimi se abdunt, adhibitifq. cærimonijs, & sui ritus carminibus, tandem ad plura vota nominant, quem Monarcham esse cōrigerit. Nec multum ambigitur, præiudicata iam sorte, quando ex defuncti Monarchæ arte, res ita disponuntur, vt non eligatur, nisi quem ipse designarit, nemoq. illo dignior communi errore censeatur. Solent enim Monarchæ vnum, alterumue ad suum ingenium factos præ ceteris, omnibus muneribus ijs adhibere, è quibus proximè gradus fit ad solium: His verò dispositione Monarchæ alternis sibi in eadem prouincia succedētibz, alijsq. exclusis, & in ordinem reductis: consequens est, vt Satrapæ electores, non in alios colliment, quàm quos dictis honoribus perfunctos norunt: quippe viri sapientes persuasum habent idoneos non esse Monarchiæ regendæ, nisi qui Præsides Prouinciarum malè, an benè eas administrassent. Quo pernicio-

nicioſo errore fit , vt ex duobus ,
tribusue nauci homellis , non alio
talento, quàm fauore Monarchę,pre-
ter meritum conſpicuis , eligatur qui
veſtigijs defuncti inſiſtat , & ſexcenti
poſtponantur , qui tametſi regendo
Monarchę ignauia,nō fuerint vnquā
adhibiti, eam tamen ſapientiam, &
prudentiam ad moderandum afferre
queant, ad quam illi craſſiſſimæ Mi-
neruæ, & nunquam ſatis dedolandi
peruentores, aſpirare nec ſciant, nec
auſint. Sed hoc eſt ingenium verſutæ
philantiæ nolle poſt ſe regnare melio-
res, qui rebus reſtitutis famam defun-
cti obſcurēt, neq. interim magniface-
re,quidquid Reip. ſucceſſoris inertia
detrimenti faciat. Ad Comitia redeo.
Monarcha electo, fit illico tympanis
pulfatis cōcurſus omniū, & genu fle-
xo, libatiſq. dextereꝝ oſculi geminātur
applauſus, nihilque non terſæ adula-
tionis ingenioſè funditur, tanta am-
plificatione, vt nō humana induſtria,
ſed diuina manu rectam ſerant homi-
nis electionem, manifeſtis portentis
oſtenſam,quod nempe illa nocte non
pluerit, quod ſub auroram moloſſi la-
tra-

trarint, quod ad egressum noui Monarche ex conclauis, muscæ, culicesq. frequentes prauolarint, & id genus plurima, quæ deinde compositissimis verbis, dicto, scriptoq. in vulgus sparguntur, ac præsertim e concione confirmantur, singulos laudatores Monarchæ paratis ad id præmijs donat; præ alijs habet, quos adulando excelluisse iudicavit. His, penes ipsum statuta stipendia numerantur, nec vnquam à latere amouentur, nisi cum honoris causa in Prouincias eunt, iidemque omnia apud Monarcham possunt, solertissimi voluntatum, voluptatumq. coniectores; vnde & alijs fortunam perinde parare, & destruere callidè norunt, vt nisi his omni ope, & studio tibi deuinxeris, spes omnis iucunde viuendi decollet necesse est. Quod ad minora Comitia spectat, ea singulis lustris coeunt, latiusq. suffragijs legunt, quem ad Monarcham referendi causa mittant, & cauetur in his quàm maxime, ne quid in deliberationem veniat, vnde Monarcha notari queat, dissimulato interim publico malo. Cōueniunt proinde ex omnibus Regnis,
& Pro-

& Prouincijs frequētes ad Urbem regiam, & singulis, Monarchę dona eximia ferunt, argumentum honoris, & deuotę subiectionis. Vbi in secreto consilio capita conferunt Princeps negotiũ, propter quod vel solum tractandum missi venerunt, ad roganda videlicet rebus quàm maximè poscētibz Comitiaz maiora, studiosè celāt, cauentq. vnicè, ne vel mentionē injiciant, certi de offensa Monarchę, quę dictis comitijs repurgatum eāt. Quod si Monarcha ipse callidè simulans instet, negant illi perfriētē, & præfractē, operę pretium esse, cū omnia rectissimè habeant, & à sagacissimo, omniumq. mortalium sapiētissimo, ac planè Diuino Monarcha, supra omnium Numinum prouidentiam, gerātur, cui idcirco Nestoreos annos optant, atq. vt in Comitijs quibus Maioribus solet, omnia in posterum etiam ex arbitrio regenda commendant; Et hinc Ilias illa tot bonorum. Hic finis Comitiorum: in quibus ne tot impensis nihil egisse Satrapę existimentur, ad retrimenta quędam negotiorum redeunt, & seriò corā Monarcha

narcha deliberant, vtrum in posterum
physitergia in Ciuitatibus linea, an
chartacea esse oporteat; Anfrixoria
athenea, vel potius ferrea ad artocreas
adhibenda. An equitando micturos
in itinere, spongia potius quam lage-
nula vti conueniat; pluraq. huiusmo-
di, quæ recensere perlongum esset. Ita
demum consilijs, & cōstitutis in Acta
redactis, & Monarchæ sigillo, manuq.
munitis in Prouincias redeunt, & præ-
claro de gestis fūco subditis anhelan-
tibus ad res nouas facto, Reducialia
læti celebrant. Hæc de Comitijs. Ad
Consultationes quod attinet, nihil il-
lis frequentius in aula Monarchæ, vt
his fere dies, noctesq. traducātur, ad-
missione interim Principibus quoq. vi-
ris exclusis. Sunt item eæ maiores,
& minores: hæ quot ferè diebus; illæ
terin hebdomada habentur. In his
Satrapæ cum suis honoratis adsunt
Monarchæ, & de Prouincijs suæ fidei
commissis referunt, quæ à Præsidibus
Prouinciarum perscribuntur, tractāt-
que singuli, singularum negotia. In
Maioribus omnes vnà Curia Satrapæ
conueniunt, & de omnibus Regnis
Mo-

Monarchę subiectis cōsilia capessūt,
quæue in rem opportuna vidētur de-
cernunt. In omnibus vniuersim deli-
berationibus, scopus vnus est, dilata-
tio Monarchiæ, & Monarchæ exalta-
tio: medio Principū per idoneos Le-
gatos expectoratio. In quibus eligen-
dis, rogantur à Monarcha in speciem
Satraparum, suffragia, sed re ipsa nutu
Monarchæ iam præcepta. Solet enim,
vt hominem ad salem suū natum mit-
tat, huiusmodi fere oratione præoc-
cupare. Venerabiles, & nobis fide-
les Satrapę, Prouincia, & Regna Tra-
burcana egent nouo legaro, & Præsi-
de; nobis præ omnibus est Dorius Do-
ridontius, placet tamen & vestras
laudationes audire. Tum Satrapę cer-
uice prona, vt vulpes in fabula, coram
Leone, in præmeditati annunt, lau-
dantq. Dorium, vix dignum Agafo-
nem, & Monarcham à sapientia effe-
rendo, perorāt. Eum nempe aut locu-
tum cum Ioue, aut Iouē in ipso, nihil
eius consilijs esse sapientius, nihil per-
spicacitate magis prouidum. Ita nari-
bus velut annulo inserto trahūtur ad
votum Satrapæ, fitq. Dorius Legatus.
Pro-

Prouincię, qui nuper à deiectionibus, ollisq; tergendis faciebat. Similes sunt proportionē quadam Præsidium in Prouincijs, cum suis officijs, & optionibus, & Gubernatorum in Urbibus, eadē norma, & fine, congressus. Et hæc quidē Maiores vniuersim censentur consultationes. Alię minores, vel secunda cōsilia habētur in Aula Monarchę, & singulis per Regnā, & Prouincias Præsidium, Legatorumue domicilijs, coram Vicarijs, & certis Accensis, in quibus ea fere aguntur, quę ad mensas, & reliqua Aulę ministeria spectant; An quot fercula apponuntur, tot pocula adhibenda: An cataposia quę vocant Regia contusa, & decocta, præterquam Monarchę, & Satrapis passim porrigenda. An tempora prandij, & cœnę producēda. An recta cœna more antiquo accumbendum, cultri singulis trimestribus ad cotem ducendi, & sexcenta id genus. Verum hic non omiserim dignam maioribus rem Comitij, etsi minoribus peracta sit. Venerant missi, à Sencestanis populis, rogatū; liceret eis frigidam ex proximo Muranenij puteo

haurire

haurire, quòd aqua palustris, cui ha-
tenus malo suo affueuissent insuanē
præberet potum, & præsertim Sirio
vrente, maximè insalubrem. Nega-
uit Monarcha, audientibus, & lau-
dantibus Satrapis, & instantibus de-
missè Sencestanis referri iussit. Maio-
res eorū hoc potu palustri à sæ-
culis vsos, nunquam ea de causa,
morbidos fuisse, nedum mortuos: præ-
staret porro eorū æmulatione for-
titer, ac patienter durare. Commo-
uit vnum ex missis (Monacusio no-
men) tam iniqua repulsa; Et illico in-
uidioso Elencho retundens; præstaret
ait, & Monarcham prædecessorū
suorū exempla sequi, quorū nemo
Regia quotidie portione Dianorum,
magnis sumptibus parata vsus, diu
nihilominus prouixit. Quod si à se fa-
cit tantis impensis, cur subditis ini-
quior est, quibus frigida præterquam
labore baiuli, pretio nullo constat.
Nō defuit solertia nuncio, neq. fides,
continuoq. sequuta vindicta, vt Mo-
nacufius exularet, nec nisi eo vita fun-
cto Sencestani beneficiū frigida sen-
serunt, cessante Maiorū respectu, &

præcessorum apud Monarcham, de more suo, cum Satrapis non remittentem.

Industriæ Solipsorum in Monarchia propaganda.

C A P V T XV.

DIximus semel omnia Solipsorum tendere in Monarchiam proferendam, & Monarcham extollendū. Id sane meris artificijs viciè procurant: quidquid vnquam boni ventur in moribus peregrinis, ad se deriuant, nec aliunde accepisse, sed felicitate sua se adinuenisse glorianitur. Id iam in Gymnasijs quoq. vsuuenit, vt compilatas descriptasq. sæpius ex verbo Europæorum, Asianorumq. doctrinas, suas faciant. Ita Scriptores innumeri in dies, vt fungi enascuntur; & si quid ipsi noui suo Marte cudunt, paradoxis scatet, vt mare conchilijs. Fuit, qui inuentam à se nouam, vt videbatur, quæstionem profligaturus, vnius anni dispendio discipulos oneravit. Quærebat verò, *An barba felis*

vnus

vnus esset speciei, cum proboscide elephantis; cuius quæsitæ appendicem problematicam edidit, de antiquis Heroibus in culices conuersis, vt hastis amantatis in Gigantes pugnarent. Ad filum redeo. Manet Monarcha Prantaticuræ, suæ Regiæ perpetuò affixus, nisi cum animi gratia a'iquot lapides secedit; vnde ad visitanda regna, nunquā seipsum effert, sed cum potestate mittit viros plerumq. flocci, quorum ingenio res Regnorum stat, caditq. Regna, & Vrbes nō continuo territorio, sed spatias per exterorum Principum Prouincias habet: plerumq. in mediotallio; ita se miro astu, & vallare exterarum Urbium custodia, vicissimq. in eas sub iugum ducendas velut e specula, iactant intendere; & hactenus admirabili successu, modicisq. quod huc spectat expensis euauerūt, valebuntq. in posteram, nisi Principes Officij admoniti seruitutem imminentem auertant; si tamen Monarchia scindi iam coepta non prius excindatur. Hoc statu non sua solū, sed omnium aliorum Principum gesta, arcanaq. consilia callidi venatores

resciscunt, & Monarcham per occultos veredas edocent, nec quicquam tutius, certiusq. reliqui Principes, quam ex ore Monarchæ assequuntur: Habet hic Emissarios ubiq. sagaces, qui Principum animos capere docti, ultro in consilia se penetrant, & præceptæ opinione sapientiæ trahunt, quò volunt, scilicet specie in amicitiam Monarchæ, re in obsequium, & seruitutem. Horum diligentia totus Orbis facile Solipforum sceptro hætenus paruisset, nisi effrænis dominandi libido prosperos successus corrupisset. Quæ Principes animaduersa, tempestiuè cauerunt, præclaro honesti prætextu, nolle se tanti Monarchæ abuti gratia, vnde & Emissarijs paulatim viam præstruxerunt. Quare cum cœpta lentius procederent, monui clam Monarcham, moderaretur animo suo, futurum alioquin, vt præsumptione Emissariorum, qui omnia auderent, pronocata Principum conspiratio Monarchiam, aut euerteret aut certe humiliaret: Sat notæ iam Solipforum artes exteris Principibus, adulandi, fingendiq. technis pre-

pretium reliquere vilissimum. Addidi si meliora optaret sub manu, mihi esse consilium, paratumq. exequendo studium, id esse; vt admissa Evangelij prædicatione Romano Pontifici se populūmq. suū, & vniuersam Monarchiam exemplo aliorum Regum, & Monarcharum obstringeret. Hic ille graui supercilio interrompens. Nō est, inquit, e dignitate Monarchæ Solipforum vlli se obstringere; qui omnes sibi subditos velit: cæterum libenter Romanum Pontificē secundo loco se habiturum, socij q. & commilitonis appellatione decoraturum, si ipse legibus politicis Solipforum honestè pareat immuni Euangelio. In hac forma daturum se tabulas authenticas, missurūque legationem, si primus eam Romanus Pontifex decenti submissione imploret. Plura in hunc sensum dicere parantem tu sis inhibuit, me verò intestina commota officij monuere. Post horam reuersus, potentissime, inquam, Monarcha, meliora refero, quid si Romanum Pontificatum ditionis tue facero, quid præmij abstulero? Ad hoc

ille velut è veterno curarum repente
experrectus, & altum ridens. Dum
vivis, inquit, secundas; de mortuo me,
vt primas obtineas lege saxo. Cui
ego malim mille capita delatorum
habere in præsentiarum, quàm ad fu-
tura ambigere, & intuito aspirare.
Verùm ne consilium fuerit interneci-
num, viuant miseri, dum tuo bono,
forſan & adultores aliquando reſipi-
ſcent. Hoc ergo cape conſilium. Ex
omnibus, quibus abundas fingendi,
ſimulandi, mentiendi gnaris, mitte
Romam, qui ſe in Aulas Purpurato-
rum callidè inſinuet, & ſapientiæ fa-
mam aucupatus, Religionem quoq.
Chriſti omnibus omnia factus ſtudio-
ſè repræſentet, tectis interim mente,
Solipſorum Sacris, ita in omnem ſe-
ctam paratus, ſi quādo occurrat ſcri-
pto ſententiam edere, cautè moue-
rit, in quam partem ſacer Senatus in-
clinat, in eamq. ipſe pedibus conten-
tim eat: quidquid animus veri in-
diuerſum trahat; Ita futurum eſt, vt
placendi ſtudio, doctrinæq. opinione
vulgatus, facile in Purpuratorum col-
legium irrepat, iſſdemq. artibus tan-
dem

dem ad Pontificatum ascendat. Id si fuerit, fuerit verò citra dubium, Romanæ Ecclesiæ, Principatus potentie tuæ cedit, accedet. Et ne se Emissarius fallat, duplici hominem sacramento astringas, ut iam Purpuratus, Sacri Senatus consilia quævis arcana, nullo secreti vinculo obstante tibi pandat, & Pontifex Renuntiatus nihilominus obsequio tuo maneat obnoxius. Habens sensum consilij: deinceps vtere foro tuo. Audiit exultabundus, datoq. osculo, immortalitatem sponndit. Postridie coactis Satrapis euulgatòq. pectoris arcano, cum omnes miro cum plausu assēsissent, diuinitatem gratulati, delectus ex omni numero est Salinus Genilcius, ad omnem horam, mentem, dictum, factum ipse factissimus, qui Urbem æternam copiosius peteret, atq. in eam rem feliciter intenderet, additis etiam ex ordine plebeiiorum fideis, & catis latronibus, qui gestorum omnium obseruantissimi Monarcham edocerent.

Varij rerum apud Solipsos euentus.

C A P V T XVI.

Salino Profecto in Europam, Monarchæ, & Satraparum animos curæ angebant, ne aut spes falleret, aut si Salinus ad Pontificatum peruenisset veteratoriè illuderet, vtpote venalem habens opiniosissimam in contraria mentem, & placendi studia omnia probantem. Quibus dum æstuaretur, certatim aderant, qui sales fererent. Et ibant quotidie in forum, & compita, qui eos à peregrinis nundinati Monarcham oblectarent, forte aduenerat circulator Ægyptius: hic in media platea ligneo crocodillo insidens, de Luna gerras ferere. Aiebat Lunam aliud nihil esse, quam ingētis rotōdi casei formam, cuius quotidianum decrementum in Deorum conuiuia cederet, quoad veteri absumpto, recens per menses apponeretur: eadem forma ac magnitudine. Quæ fabula ita Monarchæ arrisit, vt accessum coram audire, cupido incesse-
rit. Venit ille, auditusq. & multis in-
ter-

interrogatus, reddidit se eam doctrinam, ex iis quibus comitasset accepisse, qui prater ea profiterentur in Cœlo campos esse, lacte, butiro, & melle manantes, non nisi ad lacticiniorum, fruxorum, & dulcium iurulentorum usum. Illos pone adesse in foro, dicturos plura inaudita, si Monarchæ luberer. Dictum factum: vocati, & admissi Monarcham primùm adorare, vultu sub tristi, sed qui Philosophos decet, macie reuerendo; mox Senior os patulum in hæc verba laxare: Saluus sis Monarcharum maxime, nostra, tuaq. si sunt Numina te sospitent: de Cœlo seruauimus, meditari te Regnum proferre, vltra quam olim bella Gigantum sese explicuere. Adsumus opportuni si audias, & Regnū, de quo dixit Ægyptius ditioni tuæ subdituri: simulq. exhibent auro, argentoq. pictas affabre diuorum imagines. En ciues Regni illius quàm decori, quàm vultu amabili, & augusto: breui tibi sacramentum dicturi; mox & horologia promūt curiosè facta, & demēsa diei, noctisq. spatia tinnule loquentia. Hæc aiunt manu rō-

stra fabricata, solis cursū signāt, morā-
tur incitant vt lubet: vnde scias, quæ
nostra in rerum vniuersa potestas, ex-
perimentum postridie capturus, Ma-
ne descriptas vario colore in muris
editioribus horas solares, signaq. cœ-
lestia monstrare, & respondentes ad-
amussim cum vmbra gnomonis li-
neas, sonantesq. momentis iisdem ex
aduerso malleolos cum ostendissent,
attonitum reddidere Monarcham. Et
roganti quid præmij vellent, nihil
aliud aiebant, quam de Regno Cœles-
sti pro concione verba posse facere.
Annuit, & postridie coram frequēti-
bus ordinibus de gloria Regis, de opu-
lencia Regni, bonorum omnium af-
fluxu, malorumq. absentia copiose
dixerunt; contestati, facturos se Mo-
narcham eius Regni Tyrannum, si di-
ctis fidem haberet. Quibus cum pru-
ritu acceptis, vicissim ille promisit,
adepto eo, permissurum se eorum po-
testati Solem, Lunam, & Stellæ, ac vt
regendo tēpori perpetuò præessent.
Conuenit vtrimque, Mox isti cōcio-
nales facti, nec tempus, nec modum
seruare, sæpius excedere, & sua horo-
logia

logia suo sensu moderari, rariùs contractis, sæpiùs productis ad incerta spatia sonis. Sed enim depræhendere dolum, quibus aures ad ventrem Satrapæ; sensit, & Monarcha inanis, ad quem esuriētes Satrapæ; homines isti, quos dominio Solis, horarum, & temporum donasti, si nondum inito Cœlo, miserè adeo nos vexant; quid facturi sunt eo adepto, nihil propius, quam ut productioribus horis fame, contractioribus aepsia necent, te quoque tuo Regno, quod in præsens possides exuturi. Expediit proinde rescisso pacto, quamprimum eos tota Monarchia facessere. Dum deliberatur, adsunt alij, & admissionem petunt, dicturi quædam ad palatum Monarchæ. Introducuntur homines barba hispidi, cannabo cincti, nudi pedes, vertices rasi, epomidibus à tergo pendulis, & adorato præbent humilia dona, cæras figuratas, chordulas contortas, imagines chartaceas fumo tinctas. Quas ut aspexit Monarcha. An & hi, inquit, Cœli ciues? quàm dissimiles prioribus? nisi forte plebeios referant. Iterum, num & vos pro-

mittitis Coelum, si fidem habeam; affirmantibus illis, qua possent, si permetterentur Euangelium docere. Cōsensit, sed addito pacto, ne Solis, Lunæ, Stellarū, vlliūsq. temporis dominium vsurparent. Mirantibus illis, nec simile quidquam affectantibus permissum loqui. Illi postero die coram Monarcha, & Satrapis de peccato primi hominis, de redemptione per Christum Crucifixum breuiter, & neruosè dixerunt, prolataq. in medium effigie Crucifixi, omnibus non admirationem minūs, quàm horrorem incusserunt: auditq. clamantes, aut delirare, aut mentiri centonatos istos garrones, qui Regem Coeli Crucifixum vociferarentur, quem priores gloriosum prædicassent, nisi hic plebejus sit, diuersus ab altero, & obnoxam plexus cuius Hæredem indecens est esse Monarcham, vel si dono cederet. Tum acciri iussos Monarcha, cū mente sanos, & verbis simplices deprehendisset, priorum vaframentum coniectans, vt dolosi honorum, & opum manticularij à fuga retraherentur mandare. Verùm illi iam excesse-

rant

rant nunquā redituri : nec meliorem Centonatis locum reliquere, quod laus Crucifixi Regis barbarorum auribus gravis, & absona esset. Ut nihilominus in Regno manerent, quotidiana stipe victuri, nullisq. noxij ob causam continuò memorādam, permissum est.

Salini Genilosij ex Europa littera.

C A P I T U L U M XVII.

FOrte adfuere ex genere erronum, portitores litterarum, compresso fasciculo, missi ex Europā à Salino, immāni pretio angariati. Is inter alia renunciabat Vibosnato de prospero suo in Urbem aduentu, de bene coeptis, postquam simulata religione baptismo tinctus in Vaticano fuisset, de annua pensione constituta, in honorum sustentationem, de opinione doctrinæ antecapta, cæterisque præfidijs ad sublimia gradum ostendentibus, nisi fortasse fata favorem Purpuratorum corrupissent. Id verò, aiebat, se metuere ob non paucos, qui
à So-

à Solipsis proscriptis huc euasissent, & coram Principibus Europæis turpissima nota nomē Solipforum traduxissent, irritatis omnium animis, qui nisi euerfa, vel depressa Solipforum Monarchia, quieturi vix forent. Nec sibi è re videri, vt respondeat, vel excuset, ni fictionem prodat, sed magis vt vituperet, quando ipsi proscripti, Salini potissimum auctoritate, dictis suis robur sufficiant. Facturum se nihilominus si possit, vt clanculario scripto in vulgus sparso refellantur. Pergit deinde ad obiectorum præcipua capita. Solipfos nulla nedum gentium, sed nec naturæ lege viuere; omnia Monarchæ libidine constitui, hominis nec ore, nec pectore constantis, semperque iniusti, vt qui modestos premat, insolentes foueat, cuius gloria sit mancipio habere ingenuos, dominari velle plebeios, nulla præmia præclare factis, supplicia peratrocia decernere minimis erratis, nullo iuris processu, sed temere, & perperam iudicare, fictè agere, idem affirmare, idem negare, iniquos delatores impune seruare; verbo, regnū
im-

impotenti affectu regere, leges omnium gentium suas deque habere, se vnum mortalibus omnibus efferre, ac vt orbem terrarum sub iugum ducat, omni studio contendere. O quam mihi metuo, aiebat hoc loco Salinus, ne coniecto aduentus mei scopo, luam proditoriè; sed hactenus cautam seruo mentem, tuis, tuæque Monarchiæ visuperatoribus obsecundans. Illud etiam acerbissimæ iniquitatis plenum esse dicunt; plerumque per multos annos dire plecti miseros, nulla eis causa indicata cur patiantur, ne aut iustitia se tueantur, aut innocentia. Interdum verò ex leuissima culpa, quæ verbo emendari poterat, Monarchæ, & Satrapis iniustos, tametsi alias dignissimos, abstineri perpetuò ab honoribus, & muneribus, ipsis inscijs, nec monitis cur negligantur, eoque tabescentibus. Denique complures nulla legitima suspitione vocari in discrimen honoris, & famæ, & luere extrema omnia, nulla admissa defensione innocentia. Quæ si demum aliunde pate fiat, non ideo meliorem fieri conditionem, sed laxata duntaxat

xat poena permitti vitæ ærumnosæ ;
cæterùm, nec absolui, nec in integrũ
restitui, nec alio præmio constituto,
hærente semper ignominia, vexari:
idque fieri, nec vel calumniatores ini-
qui, talione, vel leuissimi cognitores
pudore teneantur. Quæ omnia non
nisi ex temeraria summa: potestatis
præsumptione, iurisque omnis huma-
ni, & virtutis illius, quàm hic chari-
tatē vocant nos isthic nescimus, igno-
rantia committi clamant. Iam & hoc
in summa calamitatũ numerant pro-
scripti, se nunquam non iure potio-
res, semper tamen causa excidere;
quòd turpe existimetur à subiectis vin-
ci superiores, minusq. mali iustitiam
vulnerare, quàm his notam infligere.
Et ne vnquam, siue conqueri in po-
sterum miseri, siue gloriari vincentes
possint, eos quàm longissimè relegari
extra Solis, famæq. vias, vt ne audiri
aliquando queat, in rerum natura
alicubi sint, an penitus extincti. Aiunt
horum omnium malorē fontem esse
Monarchæ Solipforum perpetuita-
tem, quasi qui omni iuri superest; hoc
ius ple sibi constituat, æternum tegerē

re, nec vilius Numinis, aut hominis
supra se potestatem agnoscere. Ur-
gent proinde, vt collatis Europæanî
viribus Solipsorum Imperium aut es-
cindatur penitus, aut limitato Mo-
narchæ tempore castigetur. In quam
rem implorata Papæ (sic Romanum
Principem vocant) auctoritate, om-
nia confecta putant, si his humiliato
Monarcha aditum ad Solipsos Euan-
gelio patefaciat: nec est argumētum
præstantius, quod Papam ad bellum
Solipsis inferendum, Principesq. Eu-
ropæos permouere queat. Pergit Sa-
linus se non dubitare suum quoque
consilium à Purpuratis periclitādum,
nec sibi aliud mentis esse, vt mentem
non prodat, quàm dicta proscripto-
rum approbare, & Europæorum re-
gendi rationem laudare. Hi enim aut
in regnis succedunt nati Reges, & le-
gibus Regni vtuntur, nil perperam
agentes, sed prudentum responsis au-
scultantes: aut à populis leguntur, &
temporanei sunt, vel si perpetui, ser-
uare leges iurāt, suaque sponte coer-
centur, & sapientum consilijs regun-
tur: Nemo vnus est, qui omnia solus
velit,

velit, ab sit; sed neque Papa, qui quæ-
admodum Europæi perhibent. Nu-
minis æterni dispositu perpetuus est,
& omni legi humane exemptus, quic-
quam nisi ex consilio sui Senatus ple-
runque agit. Idipsum cernitur in Sa-
crorum cœtibus, quos hic Religiosos
appellant. Hi aliquando perpetuos
dicuntur tulisse Hegumenos, sed quā
damnosè experientia docuit: & ne in
posterum durarent, iudicio Papæ per-
fectum est: neque hætenus visum, ut
contra, ex temporaneis transirent in
perpetuos, quod id nihil vnquam
compendij, semper damnari plurimū
rebus attulit. Aiunt quippe hanc per-
petuitatem ferre secum, ut pauci ad-
modum reddantur ad regendum ido-
nei, longauitate Monarcharum spe-
sua fracti, ac interim Monarchæ om-
nia miscētis potestate variè exerciti,
ut paucis, nec præclaris aditum struat
ad Regnum, scilicet quos sui moris
esse nouit, nec ab exēplo discessuros.
Contra temporaneis; per momenta
ob oculos animumq. versati, ut breui
decessuri, meliorem successoribus re-
linquant Rempublicam, ac interim

modestè imperent, memores conditionis suæ, ex Regno oblata mox vacatione in ordinem redigendi. Idque vnicum, & salutare cēsent remedium esse Monarchis officio continendis. Præterea iusti tenorem non sanctiùs seruari posse contendunt, ne indigni assumantur, optimi deiiciantur; tota Monarchia nullo æquimento paulatim ad nauci homines redacta; quando, & vitia, & virtutes ad libitum finguntur. Quærentur nimirum proscripti, se non alia de causa eiectos, quàm iuris, cùm flagitarent, non seruati, idq. capitale sancitum, si flagitassent, cū interim ob minimos excessus plecterentur accerrimè, quādo omnium licet diuersissimorum errorum paria essent vocabula; vt perinde reus Maiestatis postularetur, qui pirum comesset, & venenum propinasset; muscam, aut bouem occidisset. Quæ omnia ex ignorantia iuris, an insolentia arbitrandi promanent, in medio est: Duo tamen pleriq. præcipua expendant contrahendi Imperij momenta; Alterum graue sanè, senectutem durantis non ad mentem, sed ad vitam inua-

inualidam, unde prona sint omnia ad labefactionem, nullius interim auctoritate legitimè recta Republica, sed imbellibus deformata cōsilijs: Alterum longè grauius, si quæ prauitas; vitio longæuè Regnantis inualescat, vix futurum ex successoribus, qui distorta ad normam reducere, labentia ad statum erigere queat, quando vel vnius anni tortitudo plurium annorū rigorem requirat: cum temporaneus interim Magistratus, etsi prauus, & tortus, non tantum deformitatis, aut enormitatis afferat, quin vnius, alteriusve successoris prudenti regula valeat emendari. Ad quæ argumenta, inquit, Salinus, cū vix esset, quid pro Solipsorum Monarchia reponi posset; Ambitio se obtulit: pulchrum quippe videbatur, arcere honorum prensatores, qui circumscripto breui tempore principatu, capita elati, occultisq. artibus sceptrum venati, Regnum pluribus dominis obruerent; quādo vel in minimis difficile est ferre æmulum, nedum parem. Sed responderunt proscripti, lege coerceri posse ambitiosos si deprehendantur, nec

nec deesse supplicia, salvis iuribus; quamvis ex horum affectatione non plus damni oriri certius sit, quam ex diuturnæ dominationis absolute assuetudine; quæ, si competitores semper impellit in vota noui magistratus, tum interdum diu suspensos animis, in malum prouocat diu regnantis. Quin verò expedire putant, plures esse qui ambire modestè norint, nec damnosum esse Monarchiæ, imo maxime honorum, multos habere regno pares, nec in vnius miserandi capite sortem omnium, & fortunam publicam miserè errare. Hæc fere, & plura Salinus in litteris, manu quoque & fide lateronum, firmata. Quæ coram Satrapis lecta, diuisos omnium animos mutuò se contuentium cōsternarunt, me tu præsertim belli impendentis, quòd suspicarentur preuentas à Papa plagas, quas Monarcha Solipforum capiendò Romano principatui, dolo tetenderat. Quare Comitia Maiora indicenda suadent, vt quid factò opus esset, ne Solipsi humiliarentur, mature deliberaretur. Nec defuere, qui Salinum in animos Europæorum penetrant.

trantem, nō extra dolum malum esse
conijcerent, eundemq. si fors ferret
splendore purpuræ captum, primum
ore Solipiorum Monarchiæ, hostēq.
infensissimum. Sed hac hætenus. In-
terim vocatis etiam Centonatis, quos
hac de causa detinuerāt, suasere mul-
tis promissis, ut pars profecti in Eu-
ropam, Principibusq. callidē expecto-
ratis, si quid aduersum Solipiorum
Monarchiā suscepissent, iniecta suo-
rum Numinum religione conarentur
auertere, & meliora de Solipsis inge-
rere. Quod si perfecissent, futurum
in Regno eorum generationi perpetuum
locum, & gradum, liberumque
per omnia genera commercium. Ar-
tisere illi, cum libentia paratissimi of-
ficij, certō recipientes, facturos se, ut
Europæi Solipsis temperent, nec de-
siderare autem conciliandorum, sæ-
pius iam feliciter periclitatam, sem-
perq. sub manu esse cōsiliū versan-
di in vtramq. partem, procul omni
suspensione doli, quæ si mens condar,
habitus arceat. Europæos longē posi-
tos, nunquam, nisi per nubes incan-
tamentis rectos, ad Solipsos saluo mi-
lite

lite traiecturos; cauere potius à finitimis, ne isti collusione turbas facerent Europæis morem gesturi, qui cætero qui ad arma in se conuertenda proniores sunt, quàm remotis populis, magno cum dispendio inferenda. Hæc Centonati: quibus abituris datæ sunt plurimæ voluminum centuriæ, quæ Solipsorum præclarè gesta, laudesq. à sæculo incomparabiles loquerentur. Scilicet inter procures, & Principes Europæorum dono distribuendæ, vt vel inde constaret de vniuersarum natura longè excellentius meritos esse Solipsos, quàm vt quispiam mortalium ipsis male velle possit: idq. vt meditata peroratione Centonati omnibus contestarentur imperatum. Sed iam reliqua ad huius Monarchiæ propagationem spectantia inspiciamus.

*Coniugia Solipsorum, & liberorum
educatio.*

C A P V T. XVIII.

COniuges Solipsi tot habent, quot
alere possunt, nec tam adole-
scentes,

tes, quàm adultas, sapiusq. anus decrepitas, & has, (quod monstri instar meritò mireris) foecundissimas, raroque abortientes, inò sub ipsum exitum vitæ copiosius enitentes. Hæ porro omnes concipiunt, non coitu, sed verbis, & afflatu, pariuntq. non utero, sed manu, contra aliarum mulierum naturam. Admittunt & ipsæ plures maritos, sed tum minus foecundè pariunt, minusq. gratum edunt partum: vniuersim verò nullum certum pariendi tempus habent, sed modò citius, modò tardius enituntur, interdum Elephantinum partum superant. Eò certè maritis gratiores sunt; quò citius, & sapius, & copiosius pariunt, quamquam vltimæ senectutis partus subinde inter gratissimos habentur, & felicissimos. Editos liberos, non uxores, sed mariti lactant lege Solipsorum, nutriuntq. ad metas usque adolescentiæ, tum alijs commendant formandos, sed non extra tribum; postq. iuventutem exactam, virilem ætatem ingressos cum foenore aliorum repetunt; vitamq. deinceps domi secum agere iubent, senectutis habentes lenamen.

uamen. Hæc de maribus præcipuè ,
nam foeminas aut rarò edunt, aut edi-
tas, & vix ablactatas elocant, dote
non data, sed contra mores gentium
accepta à sponforibus, & in censum
conuerfa. Cæterùm non hoc solū ge-
neris prole beatos se censent Solipfi,
verùm multò magis alienę sobolis ra-
pina, quod ad populum parandum,
gentemq. multiplicandam illis vni-
cum, & singulare præsidium est: hinc
ingens vbiq. numerus ciuium otiosè
vitam traducentium, coloniæq. ad vl-
timos Orbis fines exportatæ. Ni-
mirum partibus finitimarum alieni
iuris gentium, ita insidiantur, vt ser-
pens ouis perdicum; hos rapiunt iam
adolescētes, & noua velut incubatio-
ne fotos, paulatim ad mores suos ita
efformant, vt domi genuisse videan-
tur. Diceret ab vrsis lambitos nisi for-
mosos rapuissent. Nihil porrò magis
curant destinati ad munus Emissarij,
quàm vt delectu rapinam exerceant,
nec vllos obscuro natu designent, nisi
quos indoles, fortunaue credatur ela-
tura. Hæc rapina diuinum planè ip-
sis quoddam iuuentum est, ad ser-

uandam, augendamq. Monarchiam, stabilitis finitimorum foederibus, metu liberis. Ita quippe fit vt natis Magnorum potiti, in parentes quoque consanguineos, & affines Imperium populare exerceant, adeoq. integras cum familijs vrbes, & Prouincias sensim obtineant. Nec alia re magis potētiam suam iactat Monarcha, quā habere se mancipio supra centū mille puerorum, alienigenarum natos, arbitrato suo ad omnia factos, horumq. respectu famulantem sibi totius mundi parentelam. Audiui non neminem ex Asianis dolenter conquestum, exhausti nobilissimas familias, trahiq. quotannis non vnā adolescentium raptorum myriadem, ducturam in otio, & indolis oppressione vitam ærumnosam; qui alioqui ad omnia, summa nati, patriæ, orbiq. vniuerso salutis, & ornamento futuri erant. At is tantū abfuit, vt profecerit, vt prouincia, quam administrandam suscepturus erat cedere iussus, paulo post etiam in Affricam deportatus sit.

Redditus Solipforum.

C A P V T X I X.

MIro sanè artificio diuisæ sunt opes Solipforum, vt si Præsidia Urbium excipias, quibus certa ex agris sunt stipendia, aut cum miles ad expeditionem ducendus est, cæteri nullos habeant certos prouentus, nullos census agrarios vnde victum parent, nullas præterea auri, vel argenti fodinas, vnde talēta cumulent, nullas deniq; ex mercibus, aut opificijs auctiones, vnde lucrum pecuniarū æstiment: abundant nihilominus magnificis expensis, erogandoq. pares, & ex superfluis insanæ passim splendidissimorum ædificiorum substructioni intenti; Tāta rerum fortuna largitionibus duntaxat, donarijsq. finitimorum Principum, ac populorū cōstat, certa adeo, liberaliq. contributione, vt incerta sit accepti copia. Atq. hæc Monarcharum, Satraparumq. ingens est gloriatio, habere deuinctas omnium opes, quorum liberos rapuerūt, eosq. habere nullo suo labore, cultu, aut quauis parandi sollicitudine tam ob-

noxios, quàm sanguinis tributarios. Nemo enim vnus est, qui filijs apud Monarchā, bene habēdi cāusa, viscera nō profūdat, nedū opēs, muneraq. constituat auctiora, quàm annui census ferrent. Sic sanè captata gratia filij assurgunt: Et si interdum indole cassi, nec officijs pares, præstatq. defectum Monarchæ fauor. Par ratio ex Tributarijs, Testatores facit parentes, agnatosq. signata penes Monarcham suprema voluntate, æquā in viuos, & mortuos potestate; is succedit hæres non lege testamenti magis, quàm iure fisci, (quod nobis Europæis est spoliū) diciturq. Dominus altus. Sed in summo iure non immemor beneficij, defunctorum familiam inter ciues accēset, dato chyrographo, indulgetq. solito Solipsorum priuilegio, si quando decedant, aditum ad beata Numina, ac interim defunctos Apotheosi donat. Iam quidquid Ganges, Tagus, ceteriq. auri, & gēmiferi fluij, montesq. fundunt, aut quidquid medicamētarij terrarū abdita viscera creperis scrutatorum laboribus produnt, magnam partē Monarchæ cedit. Supra Regū
cen-

censum . In eam curam Præsides Pro-
uinciarū , si in aliam, vnicè incūbunt ,
nihil vt non factum tectum repræsen-
tetur . Totum id in quatuor partes
tribuitur , primam vendicat gaza Re-
gia ; alteram Pharmacopæum publi-
cum : tertia creandis pecunijs impen-
ditur, quarta finitimis Principibus do-
ni, beneficentiæq. titulo mittitur, ma-
gna Solipsorum æstimatione, ob rari-
tatem munerum , & gratiæ pretium ,
in amuletis maximè , prorogādæ æta-
ti, idoneis : vnde cū vitam eis se de-
bere blandiendo agnoscat, paulatim ,
& libertatem dedunt : felices pronun-
tiantes , qui Solipsorū Monarchæ ser-
uiunt , & plusquam Regina Saba diui-
tias Salomonis, copiam rerum pere-
grinarum stupētes, vicissim illi talen-
ta auri, argentiq. reddunt . Cæterum
quia coercito parentum vigilantia ,
Principumq. seueritate plagio, dona-
riorum ratio labilis est . Expediret cer-
ta fundorum possessione censum cō-
stituire, idq. Brotacano Monarcharū
primo, visum initio , quod sapienter
præfagijisset, futuros aliquando Solip-
sos, siue suo vitio finitimis exosos, siue

æmulatione meliorum, ad quos fauor respexisset, neglectos contemptosq. Neq. latuit successores prouidum legislatoris consilium, idq. res, & tēpus postea monuere; stimulantibus etiam Principibus viris, quibus Solipsi vel cari, vel suspecti, vel indiscreta, prætextu donariorum exactione graues erant. Verū istī rustica quadam sui præsentia, & tumore pectoris, quasi constantia elati, tantū abest, ut parerent, ut ne uiquam parerent superbe obduruerint, inuisa prudentibus subditis obstinatione, qui cum cæteris mortalibus lege victuri, optarent non prægrauari oneribus, quæ Monarchæ, & Satrapæ, bonis aliorum labore paratis iucundè perfruentes, minimè sentiunt.

Bella à Solipsis gesta.

C A P V T XX.

Nihil hic de vetustis, quæ fabulosa ipsi in compitis, & circis iactant, & in Annalibus ad nauseam repetunt; exempli gratia olim in pugna Gigantum vnos Solipsos cœlestibus auxi-

auxilium tulisse, duce Lopio Bumna-
no, qui idem in condendis rerum na-
turis, opifici præsto fuerit, formamq.
vniuersi in palympesto delineatam
obtulerit: fugatos Gygantes, aurum
quod rapuerant sparsisse per campos
Coelorum, quod deinde noctu relucēs,
magno mortalium beneficio, stellarū
quas conspiciamus nomen tulit: ipsos
verò post Herculeū fretum in Ocea-
num præcipitasse, vno dūtaxat senio-
re Bulzegugo vexillifero, in infimo or-
be sua mole detento. Nam cum æta-
te, & corpore grauis cæteros fugiētes
alsequi non valeret, tentata fractura,
hæsit capite tenuis inter medias rimas,
reliquo corpore sursum verso: hoc ip-
si caput Lunam plenam esse dicunt,
adeoq. faciem Lunæ nobis visam, fa-
ciem Bulzegugi in terram prospectā-
tis, & suorum opem frustra implorā-
tis. Quod autem crebrò dichotomos,
& sincipite, occipite tātum cornicu-
latus appareat, assiduum retro eluctā-
tis conatum, si quo modo caput in-
sertum redimat, indicat, ac interim
tergo natibusq. à custodibus superis
vapulans, fēda non minùs, quàm hor-

rida edit spectacula: nam & mingit, & reflat, & spirat, & cacat. Hinc illi pluuias, vētos, nubes arras, tonitrua, fulmina, grandines oriri perhibent, pluraq. id genus insignitis musca Annalibus tradunt, nec antiqua solum, sed quæ medio tempore, atq. etiam post erectam Monarchiam gesserunt, per Centurias describunt. Quæ omnia ipsis remittentes, ea dumtaxat breuiter, & ordine narrabimus, quæ nostro tēpore circiterue, per annos quadraginta quinq. susceperunt, & ferè dubio exitu clauserunt. Primum superbia excitauit. Nam cūm Auidus Cluius, ditione, præcessorum virtute nonnihil prolata, Regnum attollere tentasset, nec amplius Sumonaclestum Sot-tiobusi Principem potentissimū cuius beneficio Manimorandiæ prouinciam possidebat, agnoscere vellet: hic hominem in ordinem redacturus, dominatu priuare, & in Marboreiam relegare cōstituerat, vrgente potissimū Sennarimā domo Regni Scriba, Auiduscluuius nequicquam suis iuribus se tuente, & senium morbidum miseranter interponente, frustra omnia fuissent,

sent, nisi Sumonaclestum in medio conatu mors tulisset. Tum reductus miles Solipsis iactandæ gloriæ locum reliquit, quasi prælio vicissent, & Sotirobusi Principem cōgressu occidissent. Hoc successu elatiores, non multò post in Regno Toseneueorum turbas commouerunt, dominaturi, nisi isti euigilassent, aut nisi Solipsi consistente iam ad pugnam acie, à Soricio Duce deserti fuissent. Tum enim Toseneuei circūuentos male mulctarūt, pluribusq. cæsis, & paucis precariò seruatis, omnes demum commercio in perpetuum interdicto proscripserunt. Stetit hoc bellum sane Monarchæ Vibosnato immani pretio, nunquā hætenus resarcito, eoq. tristiori exitu, quod omnis recuperandi iuris spes crederetur præcisa. Memorant vno ab hinc sæculo, Regno quoq. Romullagorum pari ex causâ eiectos Solippos, diuq. aduersis iactatos, serò tandem post liminio purgatis facinoribus reuocatos, ad gentis mores, & ritus se cōformasse, sua religione eiurata: hoc enim illis solemne ad fœdera sancienda, dum mētem, vt perhibent, iniura-

tam seruent. Pene eadem tempestate, suscepta cōtra Soluiniānos expeditio, quod hi leges Solipsorum corrigere, tentassent; & arsisent hoc bello, religionis vt videbatur pretextu; quāplurimæ Prouincię, nisi Vtoxius, qui tūc Sottirobusis imperabat, auctoritatem interiecisset: hunc reueriti Soluiniāni concesserant, perstrictis tamen ante Solipsis eatenus, vt se errasse coram Vtoxiō faterentur, publicisq. tabulis, faniolem in posterum gesturos mentem sponderent. Verū hęc duo bella ante meum istuc aduentū, & medio tempore gesta sunt. Ad seriem redeo. Imperante Sottirobusis adhuc Sumonacesto, ingens bellum exortum est inter Solipsos, & Cinimonadusios, raro inter paganos pretextu religionis, hic tamen specie quadam diuinitatis. Aiebant Cinimonadusij Deū suū eius esse potestatis, cui mortalium nemo valeret resistere. Negabant pertinaciter Solipsi, exaggerata sui Monarchæ prerogatiua, vt ne omnibus quidem omnium gentium Dijs, in vnū cōspirantibus, adesse tantū potentiaē vellēt, quo Solipsos rebellare paratos coer-

coercere possint. Durauit hoc bellum quinquennio, Somonaclesto Rege, & Soluinianis ad Cinimonadusios, Alapunijs, & ex parte Latinimeracijs, alijsq. collectitijs accedentibus, victoria ad illos inclinauit; & internecone plurimorum sopitū potius, quàm extinctū dissidium. Desiderati Solipsorum Duces Atilenauius, Tibasauius, Calambalsineus, & plures alij Sibalsius, Gencaratanus deserta acie fugerunt: Cinimonadusij Osmeliū, & Zeiulauium faucios auxerunt. Iactata à Solipsis victoria, tametsi relictis sarcinis pauci euaserint. Idem bellum aliquot post annos recruduit Soluinianis in aciem prouocantibus, quod Solipsi opinione deteriores, iura gentiū incestarent. Multis prēlijs, haud sine Solipsorum depreessione gestis, cōuenit tandem vt Busnaturij Sotterobusiorū Principis arbitrio res componeretur, positis ad tempus vtrinque armis. Et hæc quidem totius gentis maiora sunt bella: Minora quædā diuersis in Prouincijs agitata, nunquam adeo fortunatis Solipsis, quin meliora optarent sæpius profligati. Aliqua hic

referam, vbi prius de rebellione prouinciæ Abisciffianæ capite sequenti meminero.

Rebellio Abisciffianorum.

C A P V T XXI.

POpulos hæc Prouincia nutrit fero-
ces, vno tū Præsīde Sinacarsio re-
cta, homine præcocis itæ, ingenio ru-
stico, & qui nec muneris, nec Regni
magnitudini par esset: hinc sæpius ex-
pedire iudicatum, plures immitti iu-
risdictione, & territorijs diuisos, ne
vnius numquam idonei imprudentia,
salus omnium periclitaretur. Sed non
est visum Monarchæ, ne Sinacarsium
amicum ingenti censu fraudaret, tan-
tiq. Regni dominum angustioribus li-
mitibus circumscriberet. Hoc honoris
auctu sibi claudēs homo iners, neq. in-
terim populis placere studens, effere-
bat se in dies & superbia, & sæuitia, &
quasi non precario præesset, vexare
subditos, minimisq. de causis mulcta-
re, detrectātes in crucem agere. Itum
ad Monarcham, quiritatum sæpius de
imminente rebellionē, nisi prouidē cā-

ueret, contempnit; prouocatum ad finitimos Principes, quibus eminebat Marosappanus. Hic missis deprecatoribus, addidit periculum defectionis nisi Abscissianis iuste faceret. Ita factum metu, ut Prouincia in plures tributa, ordinatoq. Magistratu, populi quiescerent. Nec tamen diu feriatum. Nam Sinacarsius deminutum se ægerrime ferens, omnem lapidem apud Monarcham mouit, quo rursum integrato Regno solus regnaret, multosq. nobiles ut id flagitarent, promissis induxit. Credulus Monarcha, misit Buxaldirnum inquisitum, quid è re foret. Hic qui nunquam inter Leporem, & Ceruum discreuit, persuasus à Sinacarsio, retulit, nisi Abscissianum Regnum quantocius rursus coeat in unum, periisse, multisq. falsorum syngraphis in medium prolatis, creditum dolo, & refixum, quod pacis gratia intercesserat Sacramentum. Quid enim inconstantius verbis, ubi mens fluxa? Mittitur Mimpilosumnus alieno tantum cerebro sapiens, confusisq. iuribus, sceptrum sustulit unumq. rursus Regnum initiauit, prius tamen praesidiis clā milite obsessis, ne popu-

lus armis correptis omnia misceret, vno Mimpilo sumini capite nō contētus. Qui eū interīm cōcussi, donec paucis post diebus agnito singrapharum dolo vehemētius exarsere. Tum furentium agmine factō, irruere in Prætorium; exturbatoq. Præsīde ad finitimos prouocare, & si manus ferrent, de Regno pacisci. Impetrarūt, vt cum Monarcha de instauranda, casto dolo, fide transigeretur, regnumq. deintegraretur: quod si is renūceret, Sacramento soluti Abscissiani, aut potēriori finitimorum se dederent, aut suū ipsi Regem vmbone efferrent. Sensit Monarcha pavidus, & certus periculi in pacta descendit nunquam seruāda facturum se satis, si omnium mens eadem esset, aut sceptrorū diuidendorum, aut populorum non vnius Vicarij Imperio regundorū. Id sibi quoq. è re videri: stitutum; fuisse priscis decretis, nisi aduersantium syngraphæ obuiaissent. Ceterum firmata iam pacta antequam vulgarentur, mora ex composito iniecta est, itūmq. interim ad antiquos dolos, vt Rātifiantius Satrapa, qui tum Abscissianus tyrannicè

mo.

moderabatur, clam iterum omnium
syngraphas cogeret, non honoratorū
modò, sed etiam mediaſtinorū, & ſer-
uorū, præſcripta formula, qua omnes
conſtarentur, nolle ſe Regni ſtatum
demutatum, nec niſi vnum cui pare-
rent, optare. Addita dolo cautio, de
non propalādo ſecreto, & incuſſa vio-
lentia: quippe ex timidioribus magnā
partem coactē ſubſcribere, ijs, quorū
pectora ſaperent, præteritis. Ita factū
vt nomina magno numero miſſa, fini-
timis fucum fierent donec detecta
barbara verſutia pleriq. iram, & odiū
acuit, erupturā in bellum niſi Dij fa-
xint, vt barbari ex fide ſaltem, & iure
gentium ſapere incipiant. Haſtenus
iura, & arma ſilēt. Sed iam ad maiora
illa diuerſis in Prouincijs ſuſcitata,
quemadmodum commemorabamus
conuertendus ſtilus. Ea noſtro ten-
pore fere quaternā fuere, Rumorre-
gienſe, & Narimeſium, quæ fere con-
iuncta, Semlilēſe, & Tiremanumium.

tus, qui cum boni, & æqui non capax
ciues diuexaret, seditione commota
clam profugit. Princeps occurrēdum
ratus Rodagaristum mittit, qui sorte,
an meliori talento rem composuit.
Lugarriquentinū verò, quasi impro-
bè factis commendabilem, Narime-
siorum Vrbi nobilissimæ præfecit; sci-
licet generosis equis, & pullis bupha-
lum. Non diu præfuit, & rusticitatis,
immanisq. duritiæ notatus, puta re-
pentinus Dubenus, ita omnes offen-
dit, vt correptis ad signum armis, ho-
minem deiicerent, stipatores, aut iu-
gularent, aut se dedentes plagosos ef-
ficerent. Lugarriquentinus in Turrim
se abdens, prætereuntes magno cla-
more sollicitabat, frustra; nisi carnifex
an apparitor casu se obtulisset. Hic
celerrimè ad finitimum Principem,
Rensugiesum accurrit, quo loco res
Solipsorum amicorum sint renūciat,
ni succurrat ipse omnes ad vnum to-
ta vrbe cædendos prius, quam exigē-
dos. Adfuit illico ingenti manu, nec
quicquam initio profecit, Narimesio-
rum furore gliscēte in pernitiem Lu-
garriquentini, quē nisi seruorum quo-
rum-

rumdam fides tutata fuisset, parato in medio atrio ligno destinarant. Vrsit interim ad moenia Rensugiesus, se non hostem, sed amicum venire, non ut liberet Solipsos, sed ut seditiosos ad penam poscat, optare etiam suae fidei dedendum Lugarriquentinum, plectendum, si meritus esset. Annuere Narimesij amico Principi, & apertis Urbis portis admissio, rem ab ovo narrant, hominemque in admirationem rapiunt. Quis gratiae deditus Lugarriquentinus verberibus, an metu elanguens. Rensugiesus à Narimesijs faciens illico ad Monarcham perscripsit, nisi Lugarriquentinum tolleretur, pacem à Narimesijs non futuram, qui si è manu sua ille abiret, hominis necem deuouissent. Extimuit Monarcha percussus, nunquam ratus audere tantum Narimesios, sed eos non solum suis viribus nixos, ubi accepit, peiora metuens, ut Lugarriquentinus posito Magistratu ea urbe excederet mandauit,

nus impetentium inhibente, discessit, & ne ægritudine animi conficeretur Rumorregijs Surcabinerij gratiâ, qui omnia apud illos poterat conciliatus postliminio ad eos redijt. O miseros terq. quaterq. Rumorregios! Siccine fortuna in hunc casum vos dedit, ut quod in oculis non poteratis, in visceribus ferretis? ecquæ hanc a peptis in medicina sanabit, ne perpetuus, & sordidus vester sit morbus? saltém curate diligenter ut sæpius vomatis. Hæc de Rumorregiensi, & Narimesio. Successit Semtilensē. Præerat hic Vrbi Silvina Soraluçus Bisdanius, sola Vibosnati gratia, is cum in animum Regis Elcheniæ penetrasset, à legibus patrijs hominem transuersum egit, ad suumque modum per omnia moderantem habuit. Id indignè ferentes Picuriuri populi, honoribus, & aditu Regis accessiti, conspiratione facta Bisdaniū in Vrbe obsident, eaq. expugnata in arcem, quo is effugerat euadunt; questum ad necem cum nō inuenissent, pluribus cæsis omnia diripiunt. Is se opportunè in subterraneum aqueductum abdiderat, vnde paucorum officio

cio totus vdus, & semimortuus extra-
ctus, Luna silente nauigio effugit. Ita
relieta Siluina, ad Vibonatum euoca-
tus causam dixit, qui culpam in se hæ-
rere sentiens, quod toties monitus
Bisdenium regēdi ignarum nō amo-
nisset, nocentissimū caput nō solūm
absoluit, sed quasi prudentissimē rem,
in aqueductu latens, & excernēs, ges-
fisset, Moporanæ castro finitimo præ-
fecit. Successit Tiremanumium lōgē
atrocius, sed euentu ridiculo. Nam
quia Solipsi suas vbiq. leges, abroga-
tis gētium ritibus auidē, callidēq. ob-
trudunt, fortē subornatis viris Magi-
stratui renunciant, velle se in Regia
platea copias lustrare, ad expeditio-
nem Dianorum Monarchæ iussu du-
cendas. Annuit benignē Magistratus;
illi verò ducto in forum milite, ex cō-
dicto castra metari, & vallum educe-
re. Quā fraude animaduersa Tirema-
numienses, illico ad arma conclamāt,
factoq. populi ingentis concursu tu-

ribus cæsis, sedata turba; vallumq. solo æquatum. Ex Decurionibus Solipforum metu non nemo eumentatus, alij sexum habitu mētiti fēminis quoque risum fecere. Ex eo die fides parçè habita Solipsis, qui nihilominus mitigatos iam vt videbatur Tiremanumios, noua arte adoriuntur, transiguntq. de Gymnasio armorum vtriq. genti communi, in quo iuuentus ad militiam erudiretur. Nec mora locū deligunt, haud dum assensis primarijs prospectu in Urbem amoeno, vnde etiam dominari, si res posceret, valerent. Id vbi Senatores animaduertissent, concitatum populum, si libertatem amasset in Solipfos armant. Ex templo concursus est, cęsiq. complures, etsi non inulti, sed accenso maioribus copijs prælio, victi tandem Solipsi, & funditus euersum Gymnasiū: multi quò fuga rapuit euadentes, ne in præterfluentem præcipitarent, moderatione Prętoris cautum est. De vita, & ciuitate pactis oblatum est Sacramentum, vt in posterum morigeri essent, si salutem amarent. Vix mensem quieuerunt, & loco alio, quem non
nemo

nemo Solipsis studens, pretio locarat, domicilium ordiri: quo nondum constituto, Decuriones turbis ad signa vocatis coepta disiecerunt: forte à syderato quopiam clamatū, de ritibus Deorum agi; tum verò, & furentes sacrorum omnium cētus exciti, tanquā pro aris, & focus in Solipfos irruere: qui terriți repentē, nisi rebus armisq. proiectis manus dedissent hac vice, omnes perierāt. Ita toties attriti, Tiresmanumijs fere contemptui, & ludo esse caeperunt, commiseratione potiùs, quā odio digni: hodie inter postremos censentur; rarò cum ciuibus commercio. Id nunciij cum Vibosnatus accepisset, ingēs in Curia sequuta est perturbatio, deiectiq. Satraparum animi, quod Solipfos vinci nescios, nō adeo potens populus tot cladibus affecisset. Percrebruit is rumor nō militum ignauia, sed socordia, & imprudentia Colosbiradori, cuius alibi ampla mentio, Monarchiam prope salute perditā vulneratā. Is deinde in

suetas sibi cum foeminis artes cōuer-
sus, lacrimis, & præcibus infinis, capi-
tis sententiā redemit, intercessoribus
vſus ijs, qui ex plebe ad Monarchæ
seruitia erant, olim artocreis recrea-
ti. Ita quem dies inſequens nouiſſimo
ſupplicio plectendum manebat, non
ſolūm vidit abſolutum, ſed etiam Au-
læ Regiæ præpoſitum, haud minori
animorum, quàm rerum omnium in
peius conuerſione, quòd qui pridie
hominem laqueis deuouiſſet, execra-
ti Monarcham, niſi legibus ſacrum
caput, quemadmodum designarat, ac
iurarat, tradidiſſet: ijdem poſtea à ſex-
centis talentis commendarent, Mo-
narchæ verò pluſquam diuinam pru-
dentiam admirati deprædicarent ora-
tione dehiſcentes. Inter hos nō nemo
Ægyptiorum ſemibeſtiā pridem in-
dutus, cum Monarcham ob bonū fa-
ctū laudare iuſſus, perplexa adulatione
verba meditaretur, nescio quo ſy-
dere afflatus in hæc verba erupit: *Mo-
narchiæ Solipſorum datus, occulto fato
Vibosnatus, vt lentius occumbentem vr-
geat: adesse designatores funeris, adesse
portitores, quos offerendis Regnis ipſe ex-
tulit,*